

葉楚傖先生正

國難詩稿

卷五

贈品

著寅伯章

民國二十一年一月一日出版

鴻白

卷首恭錄二十八年國慶日

蔣委員長告全國國民書

國難詩稿目錄

方克剛先生序言

宗子威先生序言

鍾之山先生序言

著者自序

第一卷各體詩九十二首

第二卷各體詩六十三首

第三卷各體詩四十三首

第四卷各體詩七十二首

第五卷各體詩六十首

附檢討文三篇
移轉陣地白期表一



WGA
I-2263
433



220

蔣委員長發表二十八年國慶日告全國國民書

遼吉黑熱察綏冀魯晉豫湘鄂蘇浙贛皖粵閩各淪陷地區父老兄弟諸
姑姊妹及全國同胞公鑒：今日為我中華民國二十八年開國紀念
日，我全國軍民艱苦抗戰已越二年，緬維先烈締造之艱難，瞻望
革命前途之光榮，明知我全國同胞必皆有奮勵無前急起直追之熱
忱，驅逐敵寇剷除奸偽，以確奠我中華民國獨立平等之基礎，回
溯此半載以來，敵人之狡謀日張，漢奸之猖獗滋甚，民族蒙此奇
羞，志士同所切齒。最近湘北告捷，稍得洗滌羞辱，略慰同胞之
悲憤，然抗戰建國，經緯萬端，吾同胞責任，在此最後勝利接近
之會，必將隨之而益見艱鉅，當此光榮革命紀念日，中正願以最
急要之數義，為吾同胞剴切陳之。第一、吾同胞必須認清吾國今
日為革命期中之國家，吾人之抗戰，實為實現三民主義，完成國

民革命，古今來革命事業，必經歷無數之險阻艱難方能達到成功，絕無倣倖速成之理，然革命勢力一經發動，不達目的，決不中止，民族意識一經覺醒，亦決非任何力量所能境阻，而吾中國之國民革命，更無不成之理。吾人回溯二十八年以前之今日，吾人革命豈有如何確實之憑藉，彼時軍事經濟為外交關係，幾無一事可與今日相比擬，然我總理振臂一呼，舉國同胞同聲響應，建立民國，是知革命事業之成功，全在順天應人之事勢與民族精神之發揚，決不能以有形之物質條件，來相機測度也。

吾人今日抗戰革命誠不能諱言當前之困難，且必須預期來日更有嚴重之困難，然就吾人今日之國際關係經濟狀況與軍事力量種種革命基礎而言，較之任何國家之革命均為雄厚而堅強，故關鍵全在吾人有無努力犧牲之決心，與承繼革命先烈事業之勇氣，換言

之，吾人有此革命基礎之憑藉，若猶不能摧毀障礙，爭取勝利，驅除敵寇，以求得中國之自由平等，實無以對當日赤手空拳為國奮鬥之先烈，此吾全國同胞所宜認識而奮勉者，一也。

第二、吾同胞當知今後抗戰之成功，不全在於軍事之優劣，而在於全國同胞共同奮鬥之精神如何，吾人今日在軍事方面，實已建立基礎，必能爭取最後勝利，凡我前線將士，必能日益充實革命基礎，發揮軍事力量，竭盡軍人衛國保種之天職，以慰我同胞之期望。此後抗戰重心，全在吾全國發揚精神力量，以爭最後之勝負，全在吾全國同胞一致奮起以堅決之行動，打破敵人軍事進攻以外，所謂政治進攻與經濟進攻之陰謀毒計，擊其要者，吾人今日必須發揚民族大義，打擊賣國漢奸，以摧毀敵人之政治組織，必須發動前方後方，尤其淪陷區域內之國民正氣，共矢不與敵人

並立之決心，厲行國民公約，發揮游擊實力，組織有志同胞，伺機乘隙肆行破壞，以催毀敵人在偽組織下與佔領地內所經營之商店工場礦山倉庫等等之一切經濟組織，尤須連合接連戰區軍民同胞相互策應，密切聯繫，用敵提澈底之行動，以破壞敵人之鐵道公路電報電話運輸驛站之一切交通建設，務使敵偽政治，無一日得以安寧，務使敵人之所謂經濟建設，無一日得以着手，務使敵人經營之工商業，無一物得以生產而運銷，務使敵人在軍事上與傾銷貨物之運輸上，到處都是荊棘，隨地皆受破壞，此種工作，蓋非前線將士之所能為力，實有賴於一般國民尤其接近戰區與淪陷區域內同胞之普遍發動，亦且無須有如何之武裝與高深之技能，而為我一般國民人人所能勝任，然其效果之偉大，實足以攻敵人之心臟，而刺敵人之死命。吾所謂今後抗戰重心，不專在於軍

事，而轉入全國同胞之奮鬥者，此其二。

第三。吾人今日抗戰勝利之唯一要義，不論前方後方，均在誅斥漢奸，以毀滅敵人政治進攻之工具，蓋敵人以後之經濟進攻，政治進攻乃至軍事進攻，均將以漢奸敗類為媒介，吾同胞特別須知敵人在淪陷區內所組織之偽軍，不僅驅之使在我國內作戰，供其犧牲，而其最近所編成大多數之偽軍，實皆載自東北，驅服苦役，使之暗無天日，或迫作苦工，使之永不生還，敵人此種喪心病狂慘無人道之行為，其用心已不止在滅我國家，而實欲覆我種族，而其所以能實施此種殘忍毒計者，厥惟喪失人性之大小漢奸為之祟，語有之：「哀莫大於心死」，漢奸之可誅，即其在天良泯滅，倒行逆施，不僅出賣我國家，出賣我民族，亦且出賣其本身，為敵作倭，殘害同胞，乃至污辱其歷代祖先，斷送其世世子孫

，使永為敵人之奴隸牛馬，供千姪萬世歷史之貶斥而不恤，誠所謂萬死不足以蔽其事。故吾人今日非盡除漢奸，不足以保全國命，尤非發揚我數千年來深入人心之春秋大義，昌明禮義廉恥之古訓，不足以醒全國同胞對於漢奸深惡痛絕之心理，吾人今後最急需之一事，根本之計，無逾於此，此尤為我同胞所不可不知而又不可不勉者。三也。

於此更有須申言者，中正在兩年以前之今日，即已宣告我同胞，此戰為長期艱苦之奮鬥，而非一年半載短時可了之戰役。蓋自抗戰開始之日，吾國即已踏上艱難遠大之長途，非將抗戰建國事業，竭全國同胞之血汗，與吾革命先烈之靈魂融合凝結，不斷發揚，以達整個革命之目的，決不能求得國家久遠之幸福，亦無以盡我中華民國對世界偉大之責任。是以吾人今日不獨不能稍存畏難

苟安之心，亦切不可有絲毫求速之念。吾人須知抗戰目的之貫徹，必賴真實力量之整個發揚。吾人誠能前方後方無分軍民，無分男女與智愚，共同一致，堅苦奮鬥，不畏死，不偷安，不怕犧牲，勇往直前，愈久愈奮，則最後勝利必能實現。故吾人今日應絕對唾棄漢奸失敗投降之心理，此吾同胞在漢奸邪說蓋張之日，所不可不深自警覺者也。同胞乎！「作始也簡，將畢也鉅」，革命抗戰大業，惟有成功，斷不失敗，務望我全國同胞重振二十八年前民國肇始時蓬々勃々之精神，繼續革命先烈未竟之遺志，不驕不矜，毋怯毋畏，披荆斬棘，戮力以赴，此實民族永遠無窮之生命所賴也。蔣中正。

國難詩稿序一

余在二十年前，即識章伯寅先生於滬上，時蘇省教育會設滬西斜橋，黃任之沈信卿兩先生主其事，伯寅先生在會時尤多，凡各級教育之研究及全國教育會議之名集，莫不以蘇會為之領導，余參與教育會議者已七次，故得與伯寅先生時常聚晤，觀其待人以誠，居己以敬，故知其為德修於身之君子，而不知先生之樂於吟詠也。

近十年來，世局多變，余亦出遊者少，舊日朋儔，音問疏濶，前年春，余校妙高峯中學，編印三十周年紀念冊，承任之先生贈序，意氣懇懇，且曰：「外患日迫，國步日艱，一念各行省間歷史、地理上，誰最富於同仇敵愾之特性與其素習，則皆注視三民主義，願誰生聚之而誰教誨之，合同志以擔大任，徵先生其誰

與歸」。雖其飾逾量，寔厚吾顏，而激礪之情，令人感奮難已！是年夏，蘆溝橋亭起，任之先生既以適中華職業教育社至桂林，經湖南得與晤談，畧有唱和，去年余亦適校來藍田，復與伯寅先生相見於國師，殷々道故，悲喜交集！先生隨以國難詩稿見示，捧讀一過，大都紀實之作，且皆藹然仁者之言，與任之先生自桂林見寄者，同一感慨，要皆有故而發者也。

昔嘗同序吾家植之文集曰：「性命修於身，勛業皆其末迹也，而况於空言乎！其立言者皆有故而非得已，明道以教人也，記事以傳世也，吟詠謳歌以陳情而見志也，非是無苟焉者也。」誠哉是言也。可為今之敝精疲神以俳優文字相矜炫者下一針砭，若伯寅先生之作，質而不華，且德修於身，言必可復，庶幾古之立言者歟！嗚呼！詩教之不講也久矣，得伯寅先生一倡，風移俗易，

民族復興。其在斯乎！則任之先生所謂誰與教誨之者。又在此而不在此矣！因述所感以貽邦人知省覽焉。

平江方克剛序於藍田雙江口

國難詩稿序二

梅山流水之間相距百里而遙為楚之西南部時有詠歌若出金石假水
聲風濤澎湃激盪遙相應答以吐洩其不平蓋吾友伯寅流寓兵間棲遯
山嶽身經憂患百變時時感往々發為詩歌以抒其懷抱也余與伯寅皆吳
人茲查琴水一草可憐民國初元君蒞吾邑余亦夷門返駕暫息勞薪於
是與君延開同傾酒談術齋濁跋分治官書密坐方殷遠遊旋賦等閑一
別於二十七年潘變君來相送白下鄉音不飲客鬢全非江上孤帆又送文
流之別君中短笛吹花予對之歌詩蹤跡之合離增胸懷之根觸誰能遣

此我勞如何不意地坼天崩戰雲如墨家亡國存前路安歸幸為漏網之
魚已類繞枝之鷓青衫濕透無淚可揮碧血長埋呼天不應執戈以衛家
國請看童子汪騎裹革而向疆場亦有是翁新息善天同情衆志成城灑
涕淚而弔山河聞鼓鞞而思將帥君於斯時由蘇滬脫險歷桂黔川漢輾
轉至湘境之藍田市身世蓬飄關山之嶺一家星散三篋書亡日者忽馳
書告余避地鄰近任國立師範學院講席故人咫尺驚喜款狂發讀詩篇
有如被面杜少陵之歌哭夢亦吞聲張公超之門牆居將成市現身託法
君有筆舌存焉隨處為家吾已津梁疲矣僅跡臺齋之避亂相從窳伏窮
山試看梨洲之序詩中有橫身苦趣涉葦甫竟為之憮然虞山宗威序於
新化之寓廬

國難詩稿存三

夫子曰興於詩為其善感發人心也故蓼莪可以教孝鴟鵂可以教忠切磋琢磨旨在乎學修闢雖挽天義通乎齊治引而伸之簡類而長之詩之為教廣矣其入人心淑人情也優柔厭飲周徧淡洽有非政令濫制所及者是以古之為國者詩教為先或曰溫柔敦厚者詩之教也至於立廉隅扶正氣疑若有闕然是不然商人之詩駿發嚴厲如蘇子由之云者無論已即如鴟鵂之章君子美其能治國家誰敢侮之行露之篇至於遠獄速訟而猶未可從謂非剛毅有執者能之乎自詩教廢墜文士唯知爭勝於辭華之末而罕知其義下焉者導淫謳而肆邪辭古聖人所以範圍民之心志者蕩然無存間亦有豪傑之士不甘沉溺知追本於六義唐之杜子美白樂天其選也金軼有宋陳同甫辛稼軒張安國或以慷慨激昂為詩其辭不盡工而發揚蹈厲足以鼓舞人心俾知自反自強以禦侮安非可

謂無所滯於風人之旨者然而何其寡也孟子不云乎王赫斯怒爰整其旅以過沮莒以篤周祜以對於天下此文王之勇也說者謂血氣之勇不可有而義理之勇不可無周平王誓元帝唯不能怒用隕厥柝嚮非有以養之則不為血氣之暴而漸滅者幾希今也寇深禍烈能奮真勇以捍國者誰乎人徒歎息痛恨於叛國事敵者流不知既已撥其所以養勇氣敦廉耻者矣又奚得責其不至是哉此伯寅先生國難詩稿所為作也蓋萬自時艱怒然有憂之爰即蘊鬱於中而不能已於言者發而為詩歌三版五卷者彙行有日矣乃視予而辱使之序予受讀之以謂其辭則不知視同南諸子何如若其志之沈鬱與情之真至款以大聲疾呼祛吾民之蒙而自任以幹國之蠱者蓋與數子未始或異也是亦空谷莞然之音已深惟其志而畧其辭所以望於知言君子中華民國二十八年十一月江寧鍾泰

著者自序

詩以言志 并以紀實 詩經三百十一篇 雖有風雅頌興賦比之區別 究其內容 言志與紀實 足以盡之 余認識詩之動機 始自四齡 猶憶先王以唐詩相口授 第一首授孟浩然詩 如『春眠不覺曉 處處聞啼鳥 夜來風雨聲 花落知多少』等句 記諸胸中 最為爛熟 十齡時讀排律初津 學作試帖詩 如『架空中樓閣 似已失却作詩之天真趣味 此五十年前事也 四十歲後 視學蘇省六十一歲 並調查遼吉黑冀魯晉豫皖贛鄂浙蘇等十二省職業教育 五十歲後 觀察奉綏北寧平漢道清正天津浦膠濟隴海粵漢株萍流杭南京滬等十二路 扶輪學校 奔走四方 凡園以內足跡所至 過名山大川 欣賞自然之美 或慕聖賢往事 或詢當地物產 輒喜有言志紀實之作 此則為真山水所接觸 真性情所流露

積稿殊多 原擬於六十歲時 稍加整理 作一小結果 以資檢討
豈知閩北一二八之役 南京八二九以後 京滬寓所 不為敵殫
所夷境 即為敵人朋劫掠 衣服蕩然 尚屬小事 詩文手稿 隻
字無存 最所痛心 民國二十六年夏秋間 國民政府疏散令下
余離鐵道部 避難香山 遠徙無常 極顛沛流離之苦 二十七年
九月 應國立師範學院之招 隻身至湖南安化縣之藍田 閱安化
縣志 安化縣之成立 在宋神宗熙寧五年 為我遠祖章鉉制序所
首創 不圖閱八百六十八年之久 復有高孫來此任教育職務 追
念先德 益當有以自奮 公餘因將國難詩稿 自二十六年七月起
至二十八年十一月止 先後集成五卷 得詩三百三十首 並附
檢討文字整移轉陣地表 息本無邪 數自過於詩篇三百 客中所
作 內容有如簡史兩年 惟於言志紀實之旨 尚不相背 卷首恭

錄 蔣委員長二十八年國慶日告全國國民書 明示抗戰成功 頌
全民之意志集中 力量集中 必足以謀最後之勝利也 三版付印
時 承方克剛宗子威鍾々山先生賜我序言 又蒙周白鴻先生設計
封面 並此誌謝 民國二十八年十一月 吳縣章慰高伯寅氏 自
序於藍田國立師範學院

國難詩稿第一卷

南京鐵道部防空室 (二十六年七月造成)

嚴令機關早設防。鑿成地室水泥鋼。電燈電話臨時製。風扇風窗
空氣良。面積足能容六百。心慌眼不見三光。幾回猶子隨同入。
宮殿層樓勝帝鄉。

鐵道部屋頂略如宮殿式防空室在三層樓下表面之柱簷雖不如交通部而
布置優美則過之大門口鐵道部三字為湖南韓延闓手筆

敵機第一次夜襲首都 (二十六年八月十七日)

首都敵機來。偵察湖山貌。我寓三益村。未敢夜睡覺。馬路不聞
聲。管制無喧鬧。秋月揚清輝。微有薄雲罩。偕弟立窓前。尋隙
管窺豹。屋後發雷光。城上高射礮。震動欲倒牆。門戶比擊敵。
巨響炸城南。遁去似歸橈。抗戰乍開始。最後再計較。侵略如不
止。勢必入泥淖。倭奴性暴戾。詭詐且執拗。歐戰德前鑒。可作



(南)

國難詩稿

第一卷

大訓教。

京寓留別 (二十六年八月二十九日)

白下頻來暴敵機。十天七次故飛飛。上官嚴令催疏散。內子通函勸早歸。拋却藏書千百卷。難携織篋四時衣。匆匆留字登車去。好趁初陽露未晞。

避難香山集句

歲月人間促 朱枚。避難太湖北面香山將墩自二十六年八月底至二十七年一月止不覺已屆半年 避難處處愁

薛瑩。湖匪時出 寸心言不盡 錢起。萬種心緒說不盡言 風急打船頭 杜甫。擬至宜興下邳街六弟處避難舟後

臨時停止以西南風阻止進行也

國破山河在 杜甫。中日措兵之後已有十二省點錢被佔 頭年不解兵 沈佺期。九一八後已數年於茲矣 中宵勞夢想 孟浩

因時事夜不成寐 何所慰吾誠 張九齡。輾轉避地竟不知何處是安全地帶

下邳橋觀銀魚 (在宜興縣東南)

太湖水活下邳橋。流急風狂似海潮。兩岸懸罾漁婦樂。銀魚捕得百千條。鮮銀魚當地取以嫩蛋食之味極美

胡埭橋聽誦經 (在無錫縣西南)

暮色蒼茫月上弦。漁舟停泊小橋邊。誦經朗朗風頻送。信教依然別有天。無錫魚船多信天主教晚課誦經

東橫林下邳橋歸後作 (東橫林在武進縣東)

亂世驚疑百感傷。行程苦况備親嘗。橫林小屋成灰燼。季弟全家避武昌。▲歸來買證始通行。無錫回蘇州通行證法幣壹圓雪裏衣單兩袖輕。滿目瘡痍何忍說。飢寒交迫返蘇城。

二十七年三月廿五日避居滬西憶定盤踞安之邨

何處是桃源。姑居安之邨。小樓容我住。聊避市聲喧。

信步愚園路購盆景而歸

天然一片石玲瓏。幾葉菖蒲入化王。盆景莫嫌方寸小。風光也與四時同。

同學劉琴生來訪談避難經過而別

別來無恙否。相隔五年多。漸覺容顏老。時艱更奈何。

上海屋債房價比前數昂貴土貨因戰事不易致

米十二元一石屋三十元一間

內憂外患苦相侵。避地真如大難臨。生活維持非易事。米珠薪桂屋多金。

滬西各工廠早晚放汽聲與在南京時所聞之警報聲極相似

聞工廠放汽尋常事。聽到原來不着驚。記得白門轟炸日。怕聞同此一聲聲。

四月一日起任中西女學教員回想香山為借陰中學

盡義務事有天淵之別（中西女學在陸定盤路）

泓濱暫避擁青纒。桃李春風三月天。時局變遷朝暮異。讀書救國屬群賢。▲猶記香山半載前。破庵借設講經筵。束脩未受心安樂。設備精良反歉然。

訪劉琴生君不值遊徐園又以改收容所未得入悵然而返
訪友雖為入幕賓。出門未過去遊春。名園花木還依舊。樓閣亭臺集難民。

閱書片刻偶觀樓前綠楊青草頗能調節自力
觀書自力費搜尋。時久還教煩惱深。樓外綠楊青草地。果然調節快胸襟。

許氏一以醬汁肉於兒童節日給貧兒充午餐
肉汁肥甘醬汁濃。貧兒滋養好儀容。一年佳節叨嘉惠。果腹何勞

飯後鐘。

滬西清明節所見

試者柳絲襯桃紅。今歲清明便不同。可惜荒涼焦土外。家家難覓主人翁。▲試馬春郊不許通。濠溝曲折踞西東。農村家屋空如洗。多少門窓作火烘。▲祭掃先塋念古風。一般生死可憐蟲。斧痕深劈新棺木。疑有槍礮入箇中。

致季弟書託鄒財廳轉未識能到達否

半載風塵歷苦辛。一封書寄漢江濱。未詳地址無從達。輾轉相投問要津。

四月七日滬江大學校長劉湛恩君在靜安寺諾被刺聞之惘然

慷慨能言未易才。當年青島共追陪。忽聞白晝遭行刺。究竟何人懷鬼胎。

春雨

早起烟雲合四圍。春光暗淡日無輝。出門未覺街頭濕。課罷回家帶雨歸。

閱戰報有感

失地喪師經八月。流民載道不能言。台莊報捷誠堪喜。焦土難招戰士魂。

四月十日上海文匯報有載克復濟南說

捷報紛傳共討探。色圍遊擊戰方酣。出生入死犧牲大。是否真能克濟南。

聞南京有五百者護女同胞殉難書此致敬

昔有田橫五百人。留名孤島盡成仁。諸君者護如其數。不畏強鄰願殺身。

戎軍有收復曲阜寧陽說

台莊乍報凱旋聲。有志何難事竟成。北望寧陽南曲阜。從今又見漢家營。

觀鄰家英國小兒在草地演戲

口唱槍聲手執槍。群兒奔走去來忙。有時伏地如臨敵。青草濠溝各守防。

月夜口占

林梢初上月微黃。我欲眠時照入房。夜半醒來光轉白。一輪收縮色如霜。

同校女教員吳方二君來厲談話

原來常熟女教師。記得初逢視察時。吳教員在常熟女校任教員時余適任江蘇省視學前往視察

今日舊徒同造訪。

方華僑條蘇女師校舊生

互設往事讀新詩。

閱新聞報文匯報導報華美晨刊華美晚報等六種報紙所載消息

大同小異沉悶之至

雷報新聞集舊聞 一般傳述話紛紛 但求時事多推進 全仗當年
百萬軍

四月十八日早起見飛機兩架來自西南

雲裏飛機望不清 如雷灌耳一聲聲 敵天鵬翼差相似 來自西南
東北行

英國小兒放爆竹

泥土翻鬆起小墩 埋藏爆竹露微痕 藥條着火轟然響 多少兒童
向後奔

春耕歎

家園存止絕續交 流離顛沛苦同胞 春耕無望嗟何及 黑夜槍聲

滿四郊

寄書季弟及喜兒無回信甚念

流水年華快似梭

春光明媚靜中過

寄書漢口吳門去

回信全無

究若何

學生王瑞菁以憶江南如夢令詞句呈閱

及門傑出女青年

好寫新詞入素箋

流水落花春去也

更天然

暮春天晴

宿雨初收尚覺寒

開窓生氣透林端

鳥聲牙絕如相語

四望晴天

眼界寬

中西女校校園一角

鐵門左右許停車

曲徑通幽樹影遮

撲鼻清香何處至

池邊幾架

紫藤花

為談掌珠手冊題句

天涯同是寄萍踪 此地偏教綠蔭濃
就學六年留紀念 樓東喜植
一株松

校園即景

四圍林木鬱葱葱 初夏光陰渾不同
鳥語書聲琴韻裏 滿園紅紫
奪天工

布穀

布穀聲中夏令新 桑田菘舍去來頻
今年耕作無人問 此鳥偏勞
獨苦辛

中西女學高中三年級生行畢業禮贈以三詩

園林地沼好安排 校舍精良此地佳
款上三樓勞舉步 扶梯四十

七層階

高中三年級
教室在三樓

▲ 迢迢世變閱滄桑

刻苦勤勞永不忘

粥少僧

多難就業

前途升學莫徬徨

▲ 戊寅學級戊寅師

中西女學是屆高
中三年級稱戊寅

級余又為戊
寅年生

畢業臨行贈小詩

重與論文三月快

相逢此後更何時

七月二十七日依張滌珊同學原韻和詩兩首

東亞原來說病夫

從今奮鬥滿征途

姑塘牯嶺沙河畔

視死如歸

曠代無

▲ 何時同種息兵端

多少強鄰冷眼者

老子雖言衰者

勝 是非還是屬疑團

八月十九日出吳淞口

盡力寬籌四百金

脫離孤島竟知音

飄然此去歸何日

報國心長

感慨深

法國留學回國舊徒高元宰在香港送行

香港通衢遇舊徒

酒樓絮語問三吳

明朝海岸勞相送

同是征塵

判異途

桂林杉湖旅店述感

昨宵暗淡對秋缸
輾轉難忘父母邦
苛政相傳如猛虎
居民休想
不驚龍
避之若洗離蘇省
隨遇而安入桂江
獨秀山峰高百尺
長天遠望恰當窓

與徐雲紉君登桂林倚虹樓

輕風淡日報新秋
出郭登山作小遊
穿過棲霞幽黑洞
茗設又上
倚虹樓

九月二十七夜宿桂州獨山

問徧獨山何處宿
旅居覓到小桃源
蚊多通夜無安息
惟有焚香
暗閉門

十月十七日在重慶雨窓悶坐

悶坐太無聊 如何破寂寥 家鄉消息斷 窗外雨瀟瀟

自桂黔川鄂至湘西藍田七絕詩三十八首

昔祿山陷京師，杜甫有國破山河在之起句；試場觀志向，俞樾有花落春猶在之先聲。語多含蓄，留有餘不盡，憂患之中，應具此等胸襟。余行年六十，雖暫時感覺有國破家亡妻離子散之隱痛，然尚不願以衰朽終其身，為本身爭人格，拒非法組織之參加；為民族保自由，求後方生存之出路。遂於民國二十七年八月十九日由滬出發，至香港後，原擬由粵漢路北上。道阻不能行，改經三水、梧州、柳州、桂林、貴陽、重慶、宜昌、沙市、蕪池、南縣、沅江、靖港、長沙、湘潭，以達藍田國立師範學院；其間在桂林，因中華教育職業社楊君衛玉之介紹，為廣西教育廳盡義務八日；在重慶以余為教育部留職停薪人負，並為舊鐵道部奉令疏散人負，即至交通部教育部報

告行蹤，又候同船離滬之廖院長近二十日；在宜昌以武漢自動撤兵，復候船七日。行路八千，為期三月，見見聞聞：如香港之小販義買，如廣西之歡送入伍，如貴州之苦力駝鹽，如重慶之學生募捐，乃至於德安廣濟等地之報捷慶祝，均屬抗戰建國中設詔之資料，而婁山關川巫峽之峻險；以及西南各省鑛產之豐富，人民之刻苦耐勞，尤使我夢寐難忘。寓重慶時並遇舊徒周勸成葉紹鈞顧頡剛章元善，相談甚歡。一跡所經，先後遇空襲虛驚十九次，聞轟炸者，僅梧州柳州重慶三次耳；每次均有七絕兩首，藉紀當時情況。

自別金陵已一年，遠遊初入桂江邊，午餐未罷聞空襲，轟炸喧傳學府前。▲硫酸出品著蒼梧，倭寇從來百討圖，工院縱遭回祿禍，不難再起大規模（八月二十五日梧州作）

散步方來麗澤門 忽傳警報各西奔 分區當入老君洞 兵勝惟哀

且莫論 ▲巖洞幽深滿四郊 伏波怪石七星凹 山林姑作藏身

地 戰局遠延等着膠 (九月十三日桂林作)

正是凝思握管時 又傳警報起猜疑 安排獨秀峰前去 還是公家

好設施 ▲獨秀山名號紫金 四圍花木盡成林 板橋泉石圍亭

勝 總理當年祭戟臨 (九月十七日在教育廳作)

中空若屋讀書岩 顏守延年品不凡 兩度有緣探古洞 金人守默

口三緘 ▲桂林山水甲天下 自古遊人有定評 盜寇正深須顧

慮 况將風景比西京 (九月十八日在廣西省政府作)

今日剛逢一半秋 桂垣初到又回頭 折腰不願求升斗 陽朔看山

上柳州 ▲躍登避難指揮車 多少行人末路嗟 扶老相隨攜卧

具 安全自慰成無譁 (九月二十五日上午于鄭州作)

柳江北岸竹林深 席地還教緩步尋 陌路相逢姑作伴 輕聲低語

略談心 **▲**拔地峰巒擁四圍 狄青征伐紀餘威 將台遺址留城

北 弔古徘徊送夕暉 (九月二十五日下午柳州作)

柳江空襲作三回 兩度虛驚未遇穴 最後下車惟伏地 頻聞轟炸

響如雷 **▲**航空校舍起濃烟 趨避無方伏野田 遠望敵機如鷲

鳥 幾回來去幾盤旋 (九月二十六日在柳州宜山間作)

貴陽山寺記黔靈 避難登臨入小亭 翠柏蒼松多擁護 莫嫌身世

似浮萍 **▲**文瀾古籍歎遷移 途遇書車步步隨 博覽西湖開會

日 蘇詩遷史手曾披 (九月二十九日貴陽作)

零落行囊未取回 過江待渡欲相催 晴和天氣真難得 警報聲聲

入耳來 **▲**海棠溪口去匆匆 避難江邊竹屋中 幾輩呼盧逸作

樂 不知救急共防空 (十月四日在重慶江邊作)

觀音岩下舊張園 幽谷深林可避喧 不作個人安樂想 斥資興學
仰藩垣 ▲ 傍山鑿穴竅如龍 八百兒童足可容 警報傳來依次

入 自然安靜不逢凶(十月廿日在四川王鑽緒主席創立之巴蜀中小學內作)

中秋明月照天高 夜襲頻傳第一遭 差幸防空周且密 敵機飛到
亦徒勞 ▲ 雞鳴初唱曉微寒 洞口泥凝濕未乾 慈母徧尋兒女

處 電筒光亮幾回看(十月八日在巴蜀中小學作)

船正離渝駛向東 數聲放汽報防空 龍門浩至觀音壩 卅里江流

警戒中 ▲ 兩岸山家避地忙 一船容與水中央 取名康定心安

定 還讀吾書淡若忘(十月二十二日在重慶途次康定船上作)

停泊鄞都江上時 風高湍急月來遲 打鐘警報傳空襲 我睡方酣

竟未知 ▲ 曉起空濛霧氣籠 船行石柱險灘東 秦家良玉勤王

地 史冊昭垂巾幗雄(十月廿四日在鄞都萬縣間作)

樂善堂街天主堂 莊嚴宏麗竹林藏 六間地室安而靜 我亦居然

據一方 ▲黃鶴樓頭樹敵旗 難民疏散諍臨歧 渾忘顛沛流離

苦 勝利還期最後時 (十月二十七日宜昌作)

滿城風雨過重陽 鐵鳥飛來勢緊張 暫避自然成習慣 佛頭着糞

也何妨 ▲何時南下去長沙 滿腹懷疑亂似麻 夜半買舟甘旨

險 前途又怕不通車 (十月三十一日在宜昌作)

船不東行反向西 祇因警報迫江隄 逆流而上過沙市 如鳥驚弓

路失迷 ▲箱籠積壓滿船中 多少行人未許通 踽促一隅難起

坐 忍飢豈是阮囊空 (十一月四日在沙市途次作)

小舟暫泊赤松亭 警報傳來不忍聽 此去洞庭湖浩渺 暮烟籠月

雨冥冥 ▲半途爭附退休兵 謝絕何如笑面迎 禪雨槍林猶不

避 同舟共濟亦常情 (十一月五日在秭縣沅江間作)

划船將近泊長沙 空襲群傳戒不詳 嶽麓山前停片刻 一肩行李

路三叉 夜深月黑抵湘潭 何處登車本未諳 逆旅苦無容足

地 徬徨歧路竟難堪 (十一月八日在長沙湘潭間作)

車抵湘鄉楓樹山 誤傳警報閉柴關 風聲鶴唳何庸懼 知是五人

值散班 轅轉征途路八千 明朝終點到藍田 曉行夜宿多霜

露 茅店聞雞月在天 (十一月十日在湘齊谷水間作)

速戰速決 速戰速和

敵人毒計 已往經過

主持抗戰 自力如何

全國一致 希望正多

國難詩稿第二卷

師院生活素描

軍號悠揚早起時

註一

唱歌行禮對升旗

註二

白衣藍服交相映

註三

柏黃楊逞異姿

註四

大學爭來聽大學

註五

名師畢竟是名師

註六

研究忙開會

註七

補習燈前尚未進

註八

註一

師院作息時間，盡吹軍號，以早起之軍號，最足驚起同人！

註二

每日全體師生早起唱黨歌，行升旗禮，已成習慣。

註三

生物實驗時，教授助教穿白衣；學生穿藍色制服，相映成趣，接連三小時實驗，更有興。

註四

旗桿之北，翠柏高約三丈，其南黃楊樹僅尺餘高，在許多林木中有異姿。

註五

先總理以大學之修齊治平為中國至寶，院內列四書為選科，先講大學，聽者至多。

註六

國文系主任，為中國有數之名宿，余暇時曾往旁聽，覺所論有獨處。

註七……教育數理化國文英文等學會，相繼成立，開會甚忙。

註八……英文圖文，均于夜間有補習功課，程度差者，以英文為較多。

其二

棉服儼然警察裝註一 導師出入各房廊註二 幾行國訓宣傳廣註三 萬

卷圖書手續忙註四 新屋落成名乍定註五 小樓勝景覽何妨註六 食時

不語原尊孔註七 口令高呼始敢嘗註八

註一……教授有穿國貨棉布大衣者，酷似警察巡長模樣。

註二……學院行導師制，每一教師指導學生約十人，出入學生宿舍，甚忙。

註三……禮堂外門額上，有忠孝仁愛信義和平之國訓。

註四……新創師院，買書尚不多，最近已借定妙高峯南軒圖書館書籍。

註五……高坡之上，新建教室九間。有擬以世承堂命名為請者，院長謙遜未遑，未幾定名為九思堂。

註六……圖書館樓上，可望山林泉石之勝景。

註七……食不語，本鄉黨篇句。院內膳堂。食時肅靜無聲。

註八……師生同席膳食，雖開始舉箸，亦聽軍事教官口令。

其三

茂林修竹俗塵無註一 齋舍形成六口圖註二 閩北一生先捷足註三 江

南三老早留鬚註四 傷兵教課何勤奮註五 執委調羹亦步趨註六 乎治

球場通力作註七 習勞陶侃竟無殊註八

註一……院内外多茂林修竹。

註二……院中心舊屋，分縱橫二排二列，除中央作禮堂食堂，可以相通外，每排列樓屋，上下可二十間，共得八十間。

在縱橫交錯處，有走廊可通，天井皆作長方橫方形。計有天井六個，形成六個口字。

註三……學生中到院最早者，為福建古田余澤清。經閩贛到湘。遇險則盡棄行李，致隻身步行來藍田，真難得。

註四……職教員中有鬚者得三人，在魚貫入膳堂時；在排列行升旗

註五……化學教授課餘騎馬，傷左手，紫綳布如傷兵。

註六……膳務執行委員親入廚房，安排一切，注意衛生。膳食

註七……院外新租一長方形地面，由師生

註八……倭寇深入，正當練習捺作，以謀對付。晉陶侃之運甓

其四

霜晨跑步不辭辛註一 訓練能經百戰身註二 遠望西南雙塔影註三 近

看東北火車輪註四 往年曾有三千衆註五 此地先來七二人註六 爆竹

聯珠聲震耳註七 幾回紀念事猶新註八

註一……早起捺練，跑步最多，

註二……好似訓練行軍。

註三……校外西南望，可見相對之兩塔。

註四

校門至河畔，灌田之大水車
附近頗多

註五

孔門弟子，有三千人。余往年教過師範及中等學校學生，前後二十餘年中，又足有三千人。

註六

師院到院學生截至十二月二十五日止，有七十二人，內有女生二人云

註七

註八

湖南爆竹，本來著名，院內開學日，雲南起義紀念。及委負長西安出險日，均放爆竹，以資紀念。

六十感懷詩

民國二十八年二月十八日，為農曆戊寅歲大除夕，適當慰高

六十足歲之生辰。青春難再，正尼山耳順之年；白首徒吟，有伯玉知非之感。撫今思昔，能不悵然。因用一先韻，得感懷詩一百韻。

餘生離兜口 流落轉藍田 妻兒諸弟散 家室無拘攣 宵深燈影
暗 時或夢相牽 記經香港島 食宿費萬錢 長安居不易 暫息

原苟延 九龍非我有 異國更垂涎 樓船進三水 星斗向北嚙
西經羚羊峽 奔騰波濤濺 珠江至梧柳 敵機轟市廛 桂林觀山
水 閏月月正圓 有唐黃巢地 故老久相傳 小住無多日 由黔
而入川 鐵鳥過十次 目銳過鷹鷂 汽車登高嶺 駕駛技術專
戰戰若有懼 惟恐墮深淵 故作鎮靜貌 噤口似寒蟬 山險景愈
好 雲霧萬重穿 天低地忽聳 輪轉若踰躑 奇峰通一線 彷彿
盪鞦韆 拔海五千尺 飄飄若登仙 苗民偶或見 厥貌尚顛顛
多數頭纏布 面平而高顛 軀軀稱強健 蓄髮長且鬢 烏江達松
坎 處處畫圖懸 高下灣曲過 瀑布響潺潺 前途碁江近 有似
洛興渥 海棠溪口到 渡江認一椽 舊徒腕相繫 留春結酒緣
蜀道行匪易 登高衣裳褰 東下過巫峽 攬勝萬慮蠲 宜昌登岸
後 軍略忽已宣 撤兵離武漢 當局本從權 載道流民苦 驍弓

似飛鷺 風霜儘飽受 冒險約同船 藕池深夜渡 異味嘗水蓮
靖港換舟楫 魚買縮頭鱖 長沙過澱水 臨流清且漣 漸離危險
境 幸免溝壑填 今居國師院 思之夜不眠 回溯已往事 虛度
六十年 乳名大和尚 間亦喜參禪 少小學佾舞 祭孔習豆籩
家寒常苦讀 曾習敲門韞 受知瞿督學 府庠列班聯 萱萎先椿
謝 沉疴痛未痊 南闈差二字 孝廉竟棄捐 嗟哉命不濟 潘岳
悼斷絃 無以為生計 教書擁青氈 留學往三島 當時竊慕馬
禮失求諸野 思齊為見賢 豈知心叵測 彼族大糾纏 日俄戰爭
起 侵略始動負 武昌義旗舉 我正執教鞭 閱歷知多少 記叙
亦堪憐 筆述教育史 美日各分編 研究心理學 得魚未忘筌
斐律賓遊記 言簡意拳拳 考察遼吉黑 張綏復幽燕 平津聚毛
織 民性習安便 絲綢產蘇浙 風度故翩翩 農工商職業 建國

均當先 力麓務開壑 端在手足胼 但使無棄地 邊塞關南滇
宣化取鐵質 煤鑛勘陽泉 澡身驪山麓 玻璃驗宿遷 鄱陽觀磁
製 棲霞賞杜鵑 華嶽徒步上 泰岱登高巔 諸峯兕孫列 棋局
縱橫阡 豈止小天下 元龍氣無前 遊覽江南北 洞庭漢湘邊
深知稼穡苦 食不能下咽 何時能後樂 岳陽樓留連 雄關登第
一 太陽旗色鮮 秦晉中原地 此恨亦繇縣 國耻隨在見 百慮
苦憂煎 蘇省六一縣 足跡幾周旋 視學諸紀載 積稿手自斫
推敲費歲月 豈敢謂無愆 三益村舍宿 官小部選銓 交通經鐵
道 行程路萬千 詩文隨筆錄 無慮千百篇 就正於有道 彙集
待雕鐫 奈何燬於火 京滬兩烽烟 心血費幾許 兵燹竟蕩然
如為賈島祭 人或笑癡顛 追思重筆錄 記憶苦難全 不作傳世
想 道義擔鐵肩 衣但求土布 美事鬥芳妍 食寧甘粗糲 何忍

醉華筵 卧薪且嘗膽 雖老志益堅 誓不為敵屈 寸衷此芟芟
昏夜常省察 願以告蒼天 人人盡職責 忠貞志不偏 鑛源多開
發 金鐵煤錫鉛 踊躍當兵役 會看奏凱旋 青天白日下 積毒
洗腥羶 雷霆萬鈞勢 轉坤更旋乾 勝利必屬我 此語真妙詮
可以操左券 誌之薛濤箋 努力復努力 國人共勉旃

參加國師同樂會表演

一回強迫唱開篇 本地蘇腔不撫弦 再唱古行軍曲譜 童心尚未
減當年

國立師範學院開學日賽毬

拉拉聲呼似唱酬 忽來忽去向籃投 平均分數為師少 弟子惟輸
最後毬

借書

借閱圖書慰寂寥，登樓填表拍吾腰。未防背後星星火，燒着長衫

一角焦。

藍田市况

藍溪橋對福星橋，兩岸長街地透潮。一路低頭防滑脚，不銷魂處

也魂銷。▲錫塊肩挑赤足行，往來夾雜負傷兵。拖泥帶水高低

路，陰雨連朝不放晴。

閩童工

百鍊純錫質，形戒似斗方。一肩挑重擔七寸斗方形重三十五磅當地價值八元兩足

走慌忙，錫鑛山開發。藍田市卸裝，童工真辛苦。身瘦面微黃。

勉再陽姪兒自交韜校畢業入機械化部隊寄成都軍校李弟

共道時危急，風濤雨打窓。自強真不息，多難足興邦。手及開門

盜，心欽守戶扃。果然能殺賊，人格便無雙。

世界上極北之一學校

見卡奇德世界遊記阿拉斯加

冰天雪窖唱歌詞 地號巴羅產麋廩 捕得鯨魚求放假 捉將海豹
共娛嬉 男教烹飪調鷄蛋 女學裁縫接獸皮 垢面蓬頭催入浴
主人愛戴美人師

登師院九思堂作

北斗南天任仰瞻 堂高取義九思兼 幾重階級鋪軌路 十二闌干
對屋檐 竹影松濤依舊有 書聲琴韻恰新添 萬方多難驅窮寇
莫道山間可養恬

同院諸君子以六十賤辰借春酒相勸美意可感爰謝以詩

六十避難人 生日逢除夕 少壯已蹉跎 駒光如過隙 老大事無
成 搔首髮斑白 名利俱淡視 幾次遭橫逆 國難無已時 中心
懷鬱積 同仁勸春酒 殷勤何好客 却之既不恭 心領未安適

必如仁者壽 祝之方入格 殺身以成仁 此理堪尋繹 抗戰卧沙場 何止萬千百 槍林彈雨中 血流地成赤 雖死猶有榮 壯哉 襄馬革 民族生命長 惟視忠義魄 團結我精神 先難而後獲 天下之興亡 匹夫均有責 個人修短數 請弗拘形迹

農曆元宵節後散步山林間作

不覺泥途滑

遙聞炸藥轟

是日師範學院
正在試驗炸藥

思鄉多積憤

救國豈

忘情

靈雨連三月

春雷第一聲

密雲天意助

何以滅驕兵

二月廿五日參加第十二組宣傳隊作麓村運動在表演時

聽衆中有以拳術助興者兩人因作七絕五首以記其事

加入宣傳小集團

不因風雨便偷安

泥漿儘濺衣衫濕

足下還當

仔細看

▲泥灣東上太平橋

又一亭南路不遙

厚德園中新表

演麓村甲長快相招

總地名
文連灣

▲訪問麓村三十家

多情忙迫去

煎茶 勤勞從識民間苦 服役何嘗起怨嗟二百戶中服兵役者三家 ▲阿父

從軍阿母亡 三兒瑟縮破衣裳 此心惻隱人皆有 我亦同情解阮

囊 ▲莫道鄉民知識無 同情抗敵疾聲呼 打拳習練平常事

不學朝鮮亡國奴

憶江南

錫鑛原非錫錫非山所產是鑛可作合金之用世倍誤以為錫 藍田不藝藍相傳宋張南軒經此以為其地可以

藝藍作染色用 顧名思本義 格物少窮探 山暝連朝雨 林園百尺

因名藍田 尋梅春景好 令我憶江南

第一民衆學校成立前一日國立師範學院第一民衆學校設師院東首太平巷內余於成立日贈以一聯

上聯云。太平巷外風景無雙記當年我祖開疆梅山草面下聯云。羣衆集團校名第一借此地生公說法頑石點頭

太平巷裏講堂開 師弟欣然絡繹來 高揭國旗行敬禮 公民常識

好栽培 ▲麥苗青處菜花黃 翠柏蒼松襯夕陽 野食安排空氣

足 麴條適口亦充腸

三月二十五夜由鐵道方面傳來放棄南昌消息

軍家勝敗極尋常 戰略移防莫自傷 鐵道傳來消息快 昨宵寇盜

據南昌

楚南地勢鳥瞰

五嶺山光不斷青 奇峰衡嶽雁回翎 西南高峻超東北 沅澧資湘

滙洞庭 粵漢株萍路不平 湘黔湘桂上西行 易家灣北長沙

地 自古兵家所必爭

己卯花朝為先嚴九週年忌辰異地追思泫然淚下

遺訓無忘學吃虧 弟兄離散不勝悲 兒孫幸有從戎志 祭掃還看

秦凱時

清明節散步村舍間見桃花而未見楊柳

散步邱樊村舍間
桃花紅襯一溪灣
清明徧覓無楊柳
此地原來處處山

兒童節聞警報

今日兒童節
天公忽放晴
午餐猶未食
警報發連聲
疏散山間
去聯翩樹下行
片時無動靜
又是一虛驚

觀祭掃有感

山溪曲折水迢迢
幾樹桃花傍野橋
荒塚徒留碑石立
新墳到處紙錢飄
祭餘猶見滾烟繞
拜罷遂將濁酒澆
獨有戰場埋死士
忠魂未必有人招

答同學殷錢君

展誦新詩三十一
聲音笑貌若相親
太湖石壁司徒廟
我亦前年去避秦
▲吳頭楚尾一封書
令我傷心憶故墟
儕說反攻官瀆

里 還來重整舊田廬

敵在晉濫用偽鈔侮我聖賢遺像聞百元鈔印軒轅像十元鈔印關

羽像五元鈔印岳飛像一元鈔印孔子像是烟幕障之作用也

倭奴侵畧貪財賄 毒計深心終未改 花樣翻新製泉力 聖賢受辱

成傀儡

山居集唐人句兩首

曲徑通幽處常建

瀟湘水北流張謂

長沙卑濕地張均

山木杜鵑

愁劉長卿

處去若大夢李白

茫茫吾何思陳子昂

一覽衆山小杜

白雲無盡時王維

感時集句三首

肉食那知以死爭宋文天祥

平明流血浸空城唐岑參

更生更聚終須

報唐呂溫

願得魏絳十萬兵宋李師中

指揮戎虜坐瓊筵

唐李白

要奪渙船作戰船

宋汪元量

嶺上萬松多斂

盡

宋汪元量

甘心賣國罪滔天

宋文天祥

暗拋珠淚落船頭

宋汪元量

風起雲飛不自由

宋文天祥

願得此身長報

國

唐戴叔倫

早期戮力復神州

宋鄭思肖

述感集句五首

空嗟覆鼎誤前期

宋劉子翬

萬里風霜鬢已絲

宋文天祥

兵馬渡江人走

盡

宋汪元量

竟無一個是男兒

五代蜀花蕊夫人

逆氣數年吹諾

風烟四海自紛紛

明孫承宗

椎鼓鳴鐘天下聞

唐杜甫

逆氣數年吹諾

斷

唐李白

不堪回首望吳雲

宋汪元量

逆氣數年吹諾

馬頭行處即長城

唐李涉

金鼓轟轟百里聲

宋陸將

獨有春風知此

意

宋林景熙

紅旗遙識漢家營

唐竇存

獨有春風知此

定遠何須生入關

唐李益

逢人漫說宋文山

明戴重

男兒却解腰間

劍唐王維 不破樓蘭終不還唐王昌齡

北望中原淚滿巾宋陸游 年年杜宇泣冬春宋林景熙 更催飛將追驕

虜唐嚴武 不信江山屬別人宋鄭思肖

贈袁公為教授

山間乍闢小家庭 溪上泉聲側耳聽 一曲求凰成眷屬 同看草色

入簾青

雨後

戴笠騎牛背 田間遇牧童 溪流多濁水 雲合少清風 野樹添新

綠 山花放小紅 呼晴聲斷續 鳥語喚天空

南京淪陷後歎歸不得集杜甫句

胡虜登前殿 難知消息真 故鄉歸不得 舟楫控吳人

湘黔路折却軌道集杜甫句

塞上風雲接地陰 萬方多難此登臨
車箱入谷無歸路 估客胡商
淚滿襟

國際之謎

德國南併捷克東北據米美爾近又東侵波蘭引起反德示威
國東南併阿比西尼亞近又東佔阿爾巴尼亞西班牙已入法西
斯之懷抱全歐洲不能無事日本侵我不已又佔海南島斯巴特
萊群島與香港安南呂宋有密切關係究竟英法美蘇陣綫如何
是今後之絕大問題民國二十八年春用十樂韻得一百句

回溯二十年 凡爾塞定約 於今食前言 此理堪思索 民族有異
同 地勢犬牙錯 經濟壁壘高 相互充囊橐 壟斷各懷私 彷彿
飛鷹搏 畢竟公理無 強權等冤攫 日不沒國家 版圖過寥廓
保泰緣持盈 棋局輸一着 為憐張伯倫 希特勒聯絡 奧捷先後

併波蘭不示弱 拉丁法總統 渡海參戎幕 意相墨索尼 雄志
勤遠畧 崛起地中海 難填其慾壑 嗟哉阿比西 宰割八鼎鑊
犧牲西班牙 於心究何若 阿爾巴尼亞 被圍受束縛 誘日三角
盟 其實皆偽託 異夢恰同床 難逃衆口鑠 可恨我東鄰 乘機
事開拓 藐視中華民 知識太淺薄 九國公約撕 欲圖多收獲
奪我東北去 浪人儘飄泊 調查無公論 國聯何淡漠 溥儀拘長
春 傀儡守寂寞 漢奸汝耕輩 刑應受炮烙 敵攻蘆溝橋 淞滬
又肆虐 兵器誠不如 蕪寧失城郭 彼族貪狼心 窮極其凶惡
屠毒我人民 姦淫復劫剝 流血竟成渠 江漢復河洛 人道全不
顧 聞之為驚愕 抗戰兩年餘 我有神秘鑰 莫謂寇盜深 求伸
守尺蠖 持久有南針 精神更振作 練兵數百萬 游擊安耕鑿
大局可轉安 良將有衛霍 謠傳新秩序 未詒平沼閣 海島據瓊

南 太不自量度 英法美蘇邦 難再唯唯諾 志在驅白人 何能
安逸樂 國際成問題 莫守舊部落 螳螂欲捕蟬 後更有黃雀
誰得解糾紛 雞群立一鶴 國民速醒來 毋聽魯之劑 精神總動
員 沙場同活躍 勿作袖手態 旁觀目灼灼 努力為國家 有進
無退却 中國能復興 世界得救藥 一髮繫于鈞 至言足咀嚼
普告我國人 借此為木鐸

自省吟

衆睡難為我獨醒 茫茫身世等浮萍 生平不喜杯中物 老至還書
座右銘 ▲ 立定脚跟心鎮靜 放開眼界性通靈 學仙學佛皆非
願 清夜鐘聲最愛聽

閱報知倭奴三島反戰甚烈勢將自斃

倭奴野性似貪狼 三島安寧起恐惶 大阪市焚槍械庫 橫須賀炸

海軍倉 ▲勞工標語愁窮苦 教授思潮反戰狂 不戰原來成白

斃 楚歌四面更難防

哭中央大學吳瞿安大師

桂林酬唱記前年 (一) 燈下聽歌八月天 (二) 一別竟成千古恨 (三) 元

音歇絕哭南滇 (四)

(一) 上年寓桂林時曾往訪數次余贈以七律一首瞿安亦以近作見示題
目如次「七月初度兒婦輩餉余盛饜感謝」七律為「彌天戰血悲
塵劫。動地春雷愧賊名。經醉湖山得朝氣。不祥文字感勞生
。幽棲未辨王官谷。美饌如遊護世城。何日長河洗兵馬。一
犁梅雨共歸耕。」其時瞿安喉音已啞說語甚費力

(二) 同聽廣西歌劇兩次其腔調脫胎於徽調漢劇

(三) 其後余由黔川鄂來湘省瞿安以兒子迎養住雲南大姚縣地方

(四) 瞿安作曲殊多任中大教授有年驚悉在大姚李旂老逝世國民
政府為獎勵志節不變特給以卹金三千元

卽事集唐杜甫句

交態遭輕薄 分曹失異同 雲霄今已遠 揮淚各西東

讀文文山集

文章四十七篇多 我愛高吟正氣歌 孔曰成仁兼取義 綱常名教

大包羅

英法等國備戰日急似將至第二次世界大戰之前夕集唐杜甫句

萬國尚防寇 何時見息兵 健兒寧鬥死 鎮靜示專征

贈前湖大教授宗子威寄新化

君早東坡一日生蘇東坡以景祐二年十二月十九日生 詩豪酒俠久心傾 虞山二十年

前事民國元年二年余任常縣縣教育科長 回味追思別有情

四月三十日敵機二十七架以機關槍掃射藍田九十亭

巧值星期日 藍田又着驚余於上午十時剛在深塘洗浴 敵機三九架 空襲百餘

兵 遠遠昂頭望 轟轟聒耳聲 縱云槍掃射 無法滅忠誠

五月七日第一民衆學校借師院操場開懇親會

開會歡迎報告先 防空常識講長篇 學生家長逾三百 民衆來賓

近一千 紙織高張遮赤日 米糕分贈遍藍田 課餘游藝含深意

擊鼓彈琴合管絃

集李太白句斥漢奸

破敵誰能料 紛紛亂若絲 西飛精衛鳥 出入畏人知

聞岳陽敵有後撤消息集李太白句

殺氣橫千里 雲空海霧消 洞庭鄉路遠 插羽破天驕

英有反侵略畧組織集李太白句

自作英王胄 常為大國憂 鼓聲鳴海上 他日更相求

國難詩稿第三卷

五月十二日聞警報入第一防空壕

今朝正是擬加餐 風日晴和四座歡 緊急聞鈴心有異 匆忙吐哺
面相看 見機而作拋工作 入土為安不覺安 片刻虛驚如往事
松林席地略盤桓

詠芸香科柚花

我愛花開白 烹茶可入甌 俗云稱代代 葉色碧油油 橘柚無雙
譜 芸香第一流 膽瓶清水養 對此足忘憂

晚起

昏夜蛙聲鬧 侵晨鳥語驚 豈為逢首夏 齊你不乎鳴 畫角催人
起 詩心動客情 林深窻戶綠 好共硯田耕

赴金盆園寫沿途風景

公暇思疏散 相將出李園 溪邊三百戶 路過一家村 石壩隄高

築 山泉水半潭 秧田新雨足 松澗晚風喧 曲徑通幽沼 平林

抱大門 未遑看落日

蘇東坡有山頭落日圓金盆句

榜字現金盆

為第一民校高年級編詩一課課題豆漿豆腐：『豆漿豆腐，是

漢朝淮南王劉安所發明，造法以黃豆為之，先在清水內浸

透，磨成豆漿，濾去滓而煎之，澱以鹽鹵汁，就鍋內收之

，便成豆腐；又有傾缸內以石膏末收之者。豆漿可充飲料

，內含水分、蛋白質、脂肪、糖分，均與牛乳無少異，食之足以

滋養身體，豆腐可當飯菜，為民衆食品之一，其味殊美。

我國人曾在巴黎開設豆腐豆漿公司，法國人食之，稱豆漿

為人造牛乳，稱豆腐為無骨之肉，其實貴可知。第一民校

為慎食衛生起見，先製豆漿豆腐，平價出售，收回成本，與辦合作社之性質相同。」編既成，作七絕一首

淮南食品創當初，好作兒童一課書。異國艷稱滋養足，調羹畢竟勝園蔬。

為民校編中年級「新禽言」一課；「飛禽就是飛鳥，牠叫的聲音，就可以表示出牠的對於人的意思。這幾天，是陽曆的五月，在陰曆為四月，每天的早晨，或者半夜，總聽見一種飛禽，在那個時候，不斷的叫着！叫的是『家家布穀，家家悅服。』」『家家布穀，家家悅服。』本來這個飛禽，名叫布穀，辨別牠的聲音，就是叫許多農人快快在初夏的時候，布穀種於田內，到了秋收的時候，可以有收成，可以悅服小區區禽言的不錯。現在聽這禽言的意思，又起

了新的變化，牠叫的是『家家服役，家家快樂。』『家家服役，家家快樂。』即就是叫人對於徵壯丁的役使，要去服役。那末將來驅逐敵人，打勝敵人以後，就可以家家過快樂的日子了。』編成又作七絕一首

可以人而不如鳥 新禽言勝舊禽言 晨昏驚破癡迷夢 未去山間
橘柚村

我家六弟任軍校兵器教官一陽姓學軍需再陽姓學機械化砲料
先後畢業喜而書此

存亡一髮繫千鈞 投筆從戎士氣伸 差喜我家軍事學 弟兄父子
得三人

五月二十一日院長暨教務主任慰勞民校教師在沙灘上野餐
秧田松徑下斜坡 行禮莊嚴唱黨歌 師訓靜聽橫膝坐 羹湯麪食

味如何 ▲欣賞山林大自然 花香鳥語送流泉 多生藝術多生

趣 高唱沙灘一短篇 餘興請桂多生君唱京劇探母流水板 想當

集蘇東坡句兩首誌感懷

生長兵間早晚身 我雖窮苦不如人 風流者舊銷磨盡 同學兄以

多年同學弟考先開得 農事何時手自親 十五年前購橫溼田十

半身不遂病 落花飛絮滿衣襟 晚歲猶存鐵石心 東海桑田真早暮 更燃松炬

照幽深

五月三十日為民衆校編藍田課文：「我國版圖極廣，以藍田

兩字冠地名者殊多，即以圖書攷之，已得四處：其一為陝

西省之藍田縣，在西安之東南；其二為藍田山，在藍田縣

之東，出美玉極有名，所謂藍田種玉者蓋指此；其三為藍

田關，在藍田縣之東南，亦稱藍關，古詩云「雪擁藍關馬

不前」即屬其地；其四為湖南省安化縣之藍田市，在安化縣極南之常安鄉內。史稱安化縣之成立，始自宋熙寧五年，即民國紀元前八百四十年，由章惇降梅山洞蠻後所設置。至藍田市命名之初意，相傳宋徽南軒經此，謂地宜藍，後果種藍彌望，因以為名。我等久居藍田一帶，不可不知藍田市之所由始也。編成作七絕詩以記之。

若秦若楚豈分明 縣市關山一樣名
 莫羨物華稱種玉 秋收還是望耕深

巨蛇

五卅紀念日 發現一長蛇 章身黃黑色 鉅口強利牙 盤旋院外
 樹 捕者劉啟華 手指縱咬破 忍痛見血花 效法乃祖斬 除害
 路三義 取歸作標本 勇敢亦足嘉 吾思抗戰士 勿懼敵驕誇

結果將自斃 與此不相差

六月三日民校學生捕穿山甲意欲售諸師院備作標本

後為樂肆所得

民校一學生 力擒穿山甲 歸以獻薛師 明知不可狎 分類列爬
蟲 乾製入鏡匣 利用應如何 入藥精製法

六月四日師院紅隊第一次與大麓中學第二隊在藍田

車站比賽

藍田車站看逐鹿 互打籃球昭衆目 精采動人日方中 國師全盤
輸大麓 幸而餘勇有轉機 連珠跟進何神速 猛烈還是三將軍
配角精神不退縮 劉備接着笑呵呵 黃忠手法亦純熟 隊負終場
未變更 態度大方見親睦 可知君子無所爭 尚武精神須教育
鼓掌聲中紀錄新 四分加至二十六

六月六日師院舉行教師節集會事後作歌一首

陰曆六月六 貓狗洗冷浴 神廟晒錦袍 此係舊風俗 陽曆六月
六 又有新節目 記得八年前 京中央大學 發起邵蕪秋 簽名
群贊服 目的至單純 改進新教育 待遇求提高 保障長繼續
進修更緊要 三事同商榷 小學尤所需 為謀公衆福 定名教師
節 陳之我當局 今放半日假 開會等告朔 議論公而允 餘興
亦快樂 排球小試技 攝影傍修竹 編此簡單歌 方告一段落
忽接教部電 譯罷幾回讀 重師且尊道 精神求專屬 令政教師
節 定期布公牘 八月二十七 孔聖誕慶祝 抗戰第二期 提攜
在先覺 力量正集中 奚必長沙哭 所恨敵深入 流民圖萬幅
苦幹儘埋頭 千萬勿退縮 持久和潛擊 何難漸驅逐 教師即軍
師 此語容思索 仁者當無敵 侵畧必誅戮 還我舊山河 發揚

中華族

六月九日偶成

被薄深宵冷 衣單破曉寒 愁多知面瘦 食少覺腸寬 歸去疑無
路 還來感不歡 待時須守約 盡力慰加餐

述感集陸放翁句兩首

初報邊烽照石頭 沒烟依舊送孤舟 遠途始悟乾坤大 水下荆揚
日夜流 遠遊無處不銷魂 暮過三家水際村 十里羊腸僅通
路 冷雲微雨濕黃昏

六月十三日正午接根孫姪兒桂林函附寄友人梅君西湖

密月旅行詩正披閱間忽警報至因成此詩

方閱來書附寄詩 西湖密月慰相思 忽傳警報藍田至 且避松林
度片時

十四日上午九時半師院學生上軍訓課時有警報至未下堂

視察同臨大禮堂

軍管區蔣科長
唐上校長親察

集中軍訓服戎裝

姚教官正
上軍訓課

縱聞警報

頻頻送 振奮精神未退藏

端午節

曉起先溫角黍嘗

周哲肱君以蘇人所裹之肉粽見惠
溫而食之其味與在吳苑購者絕似

客中聊慰過端

陽余向例端午必食黃魚潮南無此
海味不免有食無魚之嘆

龍舟不許藍橋渡

藍田雙橋河下端
節本有龍舟競渡

現以抗
戰停止

雲集新開游泳場

師院新設游泳場
往游者今日獨多

讀明寧鄉呂坤呻吟語

雁門共事話司農

劉景澤
司農

無病呻吟清夜鐘

身體力行勤且儉 不

違憲恕致中庸

▲

教敷五教在寬舒

開諭隨時慎厥初 接引

須知從所好 春風化雨寓琴書

▲

大膽還教學細心 潛修涵養

蓄功深 淮陰出將南陽相 蓋世雄才說古今

培孫兄以氏族端午節慶弄璋爰將七律一首為鍾老賀

大師避地入山林 種德含飴喜氣臨 忌俗相儔王鎮惡 留賓爭說

孟嘗君 孟嘗君王鎮惡均五月五日生 宗臣紫服唐皇賜 繼寇降旂宋將擒 五月五日唐明皇賜

李元鉉紫服不宋太宗以五月五日征繼元降之 驅兔遠追鍾進士 此兒定抱濟時心

夏至日

赤日當空日最長 望陰望雨望風涼 書齋靜坐頻揮扇 熱度高於

九十強 本曰九十六度 ▲ 東陽今日祭田婆 東陽縣志夏至日凡治田者必具酒肉祭土穀神

未草為神綠野多 乍過麥秋收穫足 未未還望得嘉禾

讀史有感

曹操空國伐吳邦 攻晉符堅恰一雙 深入驕兵同慘敗 會看難退

又難降 ▲ 拿翁覆轍德相尋 似火焚燒水益深 歐戰數年元氣

盡 至今大禍又重臨

六月二十五日明憲中學行畢業典禮

樹人興學濟時艱 十八年來度難關

創辦至今已十八年因係私立學校經費困難

明德

潛修期遠大 憲章抗戰格凶頑

三四句第一字嵌明憲校名

文書高級耐三載

畢業初中卅一班

是白文書科第一屆高班及初中第卅一班畢業

告別毫無兒女態

彬彬有禮盡歡顏

東三省之回憶

記得當年去瀋陽 乘車南滿我心傷 老頭鈔票通行廣 經濟權威

早撤防 ▲指點商場二碼頭 吉林勝處在江樓 木排高架如山

積 水塊橫斜逐水流 ▲寒地難忘哈爾濱 松花江上過車輪

從知載重水堅厚 天暖融時在暮春 ▲齊齊哈爾昔曾將 一日

奴忙未久留 沙地土城何足道 課農語園最清幽 課農語園在龍沙公園內

桂多生君作端節游泳詩依韻和之

一溪流動淺沙橫 安得乘風破浪行 鶴立喜看波有影 龍潛偶作
水無聲 縱身共說雄姿健 仰面能教巧術生 競渡划舟何處覓
輕浮掉尾學長鯨

七月五日下午刻縣警報

傳來警報自藍田 走入山林別有天 荆棘叢生蛇蟄伏 松杉密集
蟻盤旋 風來側徑何其熱 日照斜坡有似煎 小立靜談無片刻
解除喜訊送峰巔

七月八日國立師範學院游泳場開幕

游泳場開魏國師 居安相戒不忘危 有如鶴集排三字 敢學龍吟
賦一詩 白帽分明初學習 綠衣更替且追隨 師院係綠
色制服 淺深水性從
頭試 豈是尋常作戲嬉

同日晚上師院開游藝會余唱平劇腔調用游泳場口占句

田地山林兩岸分 中流游泳共歡欣 今朝表演多精采 練習能教
學海軍

書明威繼光練兵紀實後

戚家軍制各分科 條律嚴明二百多 共二百廿四條 熟背先教文士講 兵可不識字者

先由文人為之講解 當年成績逐東倭

讀史忠正公集

信國前身有夙緣 文章功業共稱儔 明史載史可法是文天祥前身 忠謀正氣支

危局 奏疏家書七二篇 四卷共七十二篇

即席步教育部孟參事原韻二首

道義何妨擔鐵肩 筆耕避地走藍田 習勞勉力追陶侃 愧我無能

學少年 有如投筆去從軍 天馬行空視察勤 家世涪陵山水

好 三遠遺教仰清芬

國難詩稿第四卷

二十八年七月十三夜藍田城隍廟賽會

猶是承平象 鄉儻徹夜忙 挾書新太保 執戟衆田郎 金鼓聞三里 香亭獻一方 有錢兼有力 何不重邊防

書檢討文三篇後

四十五年侵畧史 幾條縮寫一論文 最奇五月多悲痛 雪恥還憑百萬軍 如何游擊破重圍 萬種機宜聽指揮 抗戰兩年資檢討 集中志力莫相違 錦繡湖山受折磨 思鄉難免涕滂沱 何堪今日吳為洛 且待來年看若何

附檢討文三篇

壹 四十五來五月痛史之檢討

自最高當局決定頒布精神動員命令之後，全國民衆，對於下列目標：『國家至上，民族至上；軍事第一，勝利第一；意志集中，力量集中。』均有最深刻之認識。五月一日重慶廣播總裁訓話，說明五月為國恥月，民衆亦深深感動。因此對於國恥月之事實，每多痛自省察；如學生時代雜誌，有五月紀念日簡史之作品；本院史地系考試，有五月國恥答策之問題，皆所以檢討既往，勉勵將來，為意志集中，力量集中張本。今逢五月十五日講演本題，主旨亦與上兩者大同小異，惟檢討五月內之痛史，共得二十三節，因劃分為三個時期：第一為我國屢受屈辱之時期，凡十二節；第二為國民漸至覺悟之時期，凡七節；第三為局部點綫抗戰之時期，凡四節。以上三時期所發生之事實，皆為對日問題而起

。並在四十五年來五月以內。茲分述如左。

(甲) 我國屢受恥辱之時期：

(一) 煙台換中日和約，在距今四十五年前五月八日……即一八九五年之中日和約，亦稱馬關條約，共十一條。由李鴻章與伊藤博文，於甲午戰後，在日本馬關訂。內容為朝鮮獨立，割遼東台灣澎湖等地，賠銀二萬萬兩，蘇州杭州沙市重慶四處開通商口岸等條款，其第十一條，謂「俟中日兩國批准後，准一八九五年五月八日，在煙台換約」屆期日派伊東為換約專使，中國派伍廷芳為換約專使。到煙台後，伍說中國對割遼事不同意，實已早得俄德法三國之助，俄並派兵艦十，在煙台示威。伊東無奈，請示本國，日知中有三國之助，不得已而允還遼東，惟另索銀三千萬兩。

訂遼南條約六款，在北京換約，此五八烟台換約之經過也。至甲午海陸軍戰敗之原因：(1)以海軍餘款造頤和園，未能盡數用諸海軍。(2)丁汝昌皖人，不能統率閩人之充海軍兵將者。(3)同是十二號船，我行船速力不如日本。(4)砲發不能命中。(5)陸軍行募兵制，老弱無用。(6)以文臣統陸軍，不知用兵方法。積此數因，遂致失敗。清廷更與俄訂密約，圖報復，登德租膠州，俄租旅大，法租廣州灣，英租威海衛，九龍之漸，雖意大利索三門灣當時未允，美利堅則倡中國開放門戶之說，欲圖保全。自是以後，一千九百零年庚子之變，一九零三年日俄之戰，一九零九年日韓合併，可以說皆從甲午之役五八烟台換約之事而起。

(二)允許日本鴨綠江採木，在距今三十一年前五月十四日……即

一九零八年五月十四日，與日訂鴨綠江採木約，二十一條，局設安東，期二十五年，准免稅十分之二。於是我國木商，大受損失，不能與日人相爭。

(三) 許日採本溪煤，在距今二十九年前五月二十二日，即一九一零年五月二十二日，與日訂准許採本溪煤，約定十五款，期三十年，以英於庚子後據冀東開平煤鑛為藉口，每煤一噸，稅銀僅六分。

(四) 許日採撫順烟台煤，在距今二十八年前五月十二日，即一九一一年五月十二日，訂約許日採撫順烟台煤，期六十年，日出不滿三千噸時，稅應輕。按撫順烟台均在瀋陽附近，傍安東南滿綫。可知日俄戰後，日之權力，已由海洋海港鐵道而進展至內地。

(五) 惟許日本南滿鐵路運貨減稅，在距今二十六年前五月二十九日……即一九一三年五月二十九日，與日訂約，南滿鐵路運貨，減稅三分之一。時為民國二年，日本趁革命軍勢力，尚未及於東三省之時，始有此劫奪之手段。

(六) 日本提二十一條，致最後通牒，在距今二十四年前五月七日……即一九一五年民國四年五月七日。其時正值歐戰之際，日攻德租青島後，即提二十一條，於五月七日致最後通牒，限四十八小時答覆。一號四條：山東事。二號七條：旅大東蒙事。三號二條：漢冶萍事。四號一條：中國土地不割與他國。五號七條：聘顧問警察事。

(七) 袁世凱承認二十一條，在距今二十四年前五月九日……即一九一五年民國四年五月九日，袁世凱承認二十一條。

(八) 山東德佔利益讓日，在距今二十四年前五月二十五日……即一九一五年民國四年五月二十五日，山東德佔利益讓日訂約四條。實即二十一條中之第一號。

(九) 南滿東蒙許日權利，在距今二十四年前五月二十五日……即一九一五年民國四年五月二十五日，南滿東蒙許日利益，計九條。比二十一條中之第二號增二條。

綜上(六)(七)(八)(九)而論，分之為四節，其實還是二十一條中之事件。檢討二十一條，早在是年一月內提出。商議許久，至五月七日方下戰書，五月九日依期限承認，顯係袁帝制自為。起初不欲宣布，此係烟幕彈之作用，不知臨時約法第三十五條有云：「條約須經國會同意。」此種片面之承諾，竟欲以一手掩盡天下人耳目，是可忍，孰不可忍，國

民自然誓死萬萬不能承認。

- (十) 訂中日陸軍共同防敵軍事協定，在距今二十一年前五月十六日……即一九一八年民國七年五月十六日，靳雲鵬為國務總理時，與日本齋藤訂中日陸軍共同防敵軍事協定，計七條。

- (十一) 訂中日海軍共同防敵軍事協定，在距今二十一年前五月十九日……即一九一八年民國七年五月十九日，沈鴻英與日本吉田，訂中日海軍共同防敵軍事協定，計二條。

其時歐戰尚未結束，俄與德中途言和，日恐俄東侵，因有此上面兩種協定。當時北政府圖借日債計，幸未發生邊釁，否則不堪設想。在蘆溝橋戰事未發動以前，日本曾屢屢要求中國加入防共協定，其毒計與此正復相同。

(三) 許日本吉林濛江採木，在距今二十一年前五月二十八日，其時為民國七年。

檢討本期以內，因甲午一戰而受此種種奇恥大辱：如割地賠款，如爭奪台灣，如採木採煤，如劃勢力圈，如運減稅，如軍事協定，種種束縛。一篇糊塗賬，在此第二期全面抗戰後，應該可以清算過來。

(乙) 國民漸至覺悟時期：

(三) 巴黎和會山東問題失敗，北京學生對日示威，在距今二十年前民國九年五月四日，時北京學生，因巴黎和會山東問題失敗，遊行之際，旗書遷我青島。焚曹宅，毆章陸，各地罷工罷課罷市起而響應。顧維鈞王正廷在和會拒絕簽字，美總統聲明保留。至一九二一年因有華盛頓會議之召集

、商魯案善後辦法，遷青島，中國出贖路債券。接續又有美比英法意荷葡中日等九國公約之發起，於是英遠威海衛，法承認廣州灣九十九年滿期可還中國，惟日不允還旅大，至於女權方面，湖南女界有五權要求之提出。

(1)財產平等 (2)選舉權授與 (3)教育平等 (4)職業平等
(5)婚姻自由 其後男女財產平等，定為法律。最近政府改五四為青年節，亦正為提倡蓬々勃々之朝氣，可以加增抗戰力量之緣故。

(六)上海開第一次勞動節大會，對日示威，在距今十九年前五月一日……即一九二零年民國九年五月一日，上海我國工人，因不甘受日人在上海辦紗廠之種種壓迫，始有第一次勞動節之開會。效法美法等國八小時工作，八小時教育，八

小時休息之制。工會之勃興始此。

(五)非常總統就任有解除人民痛苦之宣言，在距今十八年前五月五日……即一九二一年民國十年五月五日，非常總統就任紀念，為反對北政府濫借日債，所以宣言內有解除人民痛苦之說，北伐進展，實基於此。

以上(三)(四)(五)三節，均含有悲痛發奮之重大意義，確有可以紀念之價值。

(六)長沙學生開始赴城外碼頭查日貨。翌日發生六一慘案，在距今十六年前五月三十一日……即一九二三年民國十二年五月三十一日，長沙學生會，冒雨在長沙大西門外碼頭調查日貨時，日領田中得信，將命日艦伏見號派水兵登岸，經交涉員楊宣誠勸阻。翌日輪金陵丸到岸，因查貨事，仍

被擊死學生二人，重傷七人，輕傷三十人。所謂六一慘案是也。長沙公園有碑記可考。此慘案雖未發生於五月三十一日，然動機之發端，實為五月卅一日。

(五) 上海日人槍殺工人顧正洪，在距今十四年前五月十五日……即一九二五年民國十四年五月十五日，上海日人在所辦之內外紗廠內。以槍刺殺工頭顧正洪。

(六) 上海南京路發生五卅慘案，在距今十四年前五月三十日……即一九二五年民國十四年五月三十日下午三時，上海學生暨工人，為日人槍殺顧正洪事，並反對碼頭捐，反對印刷附律，在南京路廣西路口演講，被捕頭愛活孫命令開槍，當場死四人，傷三十餘人，捕二十餘人。余在場目睹，並於申訴時，簽名作見證人。翌日罷工罷課罷市，結果總巡

麥高雲捕頭愛落孫開除，賠償停工損失，給傷亡費，紗廠加工費。此後公共租界上會審公廨，因以收回，並促北伐之成功。

(九) 濟南五三慘案，在距今十一年前五月三日……即一九二八年民國十七年五月三日北伐軍至濟南時，自本派兵至山東，佔膠濟路，殺我交涉員蔡公時，並屠殺人民，經黃郛交涉，始訂屈辱協定。此亦奇恥大辱也。

檢討本期以內國民革命軍之勢力。由南而北，漸至統一之階段。惟不為日本所願聞，結果竟演成九一八之巨大慘變，國聯亦復敷衍了事。須靠我全面抗戰，方有復興希望。

(丙) 局部點綫抗戰時期

(丁) 上海停戰協定，在距今七年前五月五日……即一九三二年民

國二十一年五月五日。按九一八事變後，上海十九路軍於一二八有對日之抗戰，發端地點，在閘北 大通 車站附近。八十七八師加入。戰近一百日。余家住閘北 寶山 諾鴻 興坊，全部被燬，後以日海軍在瀏河登岸，恐被圍，並受英國領事之調停，遂於五月五日簽所謂上海停戰協定，內容劃出緩衝地帶：如西北以白茆河口至西南安亭為界；又西北以吳淞口沿黃浦，至外白大橋為界；東南以蘇州河外白大橋起沿蘇州河至西南安亭鎮為界。規定此項區域以內，不許中國駐兵。可痛孰甚！

(三) 塘沽協定，在距今六年前五月三十一日……即一九三三年民國二十二年五月三十一日，訂所謂塘沽協定。余於此項協

定時，曾以收回山海關扶輪學校事。至山海關攷察，見北寧路一帶，日貨充斥，毒化偏地，山海關上面，並見有許多敵軍墳墓，敵兵檢查極嚴，自天津至山海關，未見過青天白日旗，可痛也。

(三)何梅協定，在距今五年前五月二十九日……即一九三五年民國二十四年五月二十九日。訂所謂何梅協定。余於此項協定後，曾至天津車站某中學講演救亡事，後竟在北平以莫須有事被拘，其時平津環境之惡劣，不言可喻。

上列(一)(二)(三)三種協定以內，均有所謂緩衝地帶，究係暫時性質，非貫澈主張積極全面的抗戰，殆無還我河山之望。

(三)徐州我軍後撤，在距今一年前五月二十日……即一九三八年民國二十七年五月二十日。查自蘆溝橋七七事變，八一三

上海抗戰後，抗戰至是時，不幸徐州又告失守，其時許多據點，雖為敵人所佔；但從戰爭之事實上說，彼愈深入，陣綫愈長，防守愈難。陳誠將軍曾說過第一抗戰前期，日死一人，我死三人，後期即倒轉變為我死一人，日死二人，此係一例。我若以持久戰游擊戰，各以無數最小單位相機應付，最後勝利，必屬於我。

總檢討上面：(一)至(三)說屢受奇辱之經過；(三)至(十九)說漸至覺悟之經過；(二十)至(三十一)說點綫抗戰之經過；然尚未至全面抗戰時期。查我國四十五年以來，因對日問題，得了許多教訓，得了無數經驗。正如睡獅初醒，雖身上百孔千瘡，猶能盡力起而掙扎奮鬥，以期出死入生；又如大海泛舟，風浪絕大，水已打入舟內，猶幸把舵者方針確定，前途不無希

望 所冀全國同胞於此武漢撤兵第二期抗戰開始之際，仰體 總裁大智大仁大勇之精神，快快精神總動員起來，無論在游擊之前方，在防衛之後方，統要有錢出錢，有力出力，改正醉生夢死的生活，養成奮鬥蓬勃之朝氣，革除苟且偷安之惡習，糾正錯雜分歧之思想，打破自私自立之企圖，服從 中央政府之指導，確遵國民公約之信條；夫然後可以智者不惑，仁者不憂，勇者不懼，一直做到不怕難，不怕苦不怕死的地步。換句話說，因此可以雪恥辱，真覺悟，達到抗戰必勝建國必成的目的。

(貳) 七七抗戰兩年來之檢討

孟子曰：「出則無敵國外患者，國恒亡。」禮記云：「國耻足以興之。」中庸云：「知恥近乎勇。」孟子曰：「故君子有不戰，戰必勝矣。」此

抗戰必勝建國必成之理由也。僕避地餘生，不作順民，興亡有責，發表此文，紀念抗戰，七七重臨，總綱有七，略談交兵，予目附七，點線分清，數符七七，目觸心驚，崇敬

先烈，策勵國人！

(一) 兩年前敵方侵畧之步驟

敵方步驟，秉明治遺策，依田中奏摺，次第實施。九一八暨一二八後，乘機又得到可怪之協定三，所謂上海協定、塘沽協定、何梅協定是也。侵畧內容，以上海冀東、平津等處，劃為緩衝地帶，然猶未足，必歎與我組織反共陣綫，而於東北四省改偽滿洲國外，尚歎以綏察冀晉魯五省，改偽蒙古國，偽華北國，分解中華民族。手段之辣，居心之狠，全國同胞，當有最深刻最痛切之認識！此應檢討者一

(二) 兩年前七七抗戰之起因

二十六年七月八日僕在鐵道部閱中央日報號外，知前一日蘆溝橋發生事變。時適友人索書使面，當取筆成蘆溝橋抗戰詩一首，書而與之。詩云：『敵軍謊說覓騎兵。炮火連天炸宛平。死裏求生惟抗戰。蘆溝橋畔責非輕。』此記七七蘆溝橋抗戰事也。按敵以尋覓士兵為名，引起外交軍事問題，此係慣用之故技，如瀋陽中村事件，南京藏本事件，均其先例，中外皆知，無可諱言。蘆溝橋在永定河畔，當平綏平漢兩綫之衝，舊為巡檢駐察地，今改宛平縣城，與附近長辛店豐台之市面相彷彿，駐兵不多。七月七日敵以搜尋騎兵為由，入城搜查。吉團長以理直氣壯之態度，拒絕搜查，敵人以為豐台守兵，尚且以禮讓了事。宛平守兵無多，何獨不可允許搜查。先之以威嚇，繼之以襲擊，調停無效，抗戰以

成，不但擴大，後且加強。此亦敵人初意所未料者，當初敵軍以為戰事短期內可告結束。及至而今，敵陸相亦有準備五年十年或二十年戰爭之豪語，國人未可忽視。此應檢討者二

(三) 兩年來雙方死傷比較數之一說

抗戰兩年，雙方死傷之多，至足驚人。據路透社外國軍事專家稱：中國死一百萬人，傷一百萬人，敵方死四十萬人，傷六十萬人。此項估計，是否估計中國太高敵方太低，姑且不論，惟開始抗戰之一年半，我軍死傷極多。例如河北南口之役，上海大場之役，江西九江之役，我軍壯烈之犧牲，破戰史上新紀錄，為歐戰時所未見，外人又有稱華方與日方，在滬戰期死傷數，為五與一之比。蓋敵以立體式之戰爭來，我多半以平面式之肉搏相周旋，氣雖盛，而器不足以當之，犧牲過大，不合代價，何如暫避為宜

，或多方游擊以困之，或待其斃而殲之，此戰畧也。故抗戰兩年中，在最後之半年，敵兵愈深入，我軍死傷之數反較低，以空間換時間，於變更戰略下，原使不耗主力，期可反攻。此種事實，不可謂非愈抗戰愈有精神之明證。此應檢討者三。

(四) 兩年來國際方面對我之情感

世界上主張正義之各國，對我抗戰，深表同情，捐於難民之款項衣食藥品，可說無微不至。抗戰第一年，日機擊英大使許森閣，長江內炸美艦巴納號；抗戰第二年，海南島被佔而法不為然，津英租界被封鎖而英備抵抗。諸如此類，提抗議書至東京者，不下數十通，日內瓦國聯，對日之侵華，群抱不平，通過個別援華案，英美法對我均有信用借款，蘇俄又以飛機及駕駛員供給中國，雖未甚充分，而與我自力更生之初意，尚相符合，故國際情感

，除德意以外，其餘已屬融洽無間，直接間接，尚有若干之好影響，此應檢討者四。

(五) 兩年來漢奸與偽組織之漸趨末路

敵人收買各級漢奸，無所不用其極，有所謂宣撫班者，幫助漢奸組織各級機關，其大者如北平南京偽政府，乃至維新偽政府，火權仍操敵手，印偽鈔，收重稅，嚴檢查，解煙禁，開賭局，設官妓，毒化我民，一般漢奸，惟敵人之命是從，不知人間有羞恥事，浪人獸兵，又到處奸淫擄掠，無惡不作，其甘心賣國者，即如敵軍入山西省，倘無大同軍長作內線，如何能攻入太原；上海市八一三之戰，倘無漢奸作金山衛引導，如何能攻入上海南市，山東省倘無韓榘渠之為敵利用，又何至放棄濟南，其長江流域之江陰砲台，江西彭澤之馬當山砲台，以及九龍東首之大鵬灣，倘

無內奸接引，更何能通過或登陸，最可怪者，有曾任行政院長教育廳長者，而亦別有肺腸，甘為敵用，是真狗彘不食全無心肝者矣。天地間幸尚有正氣，中國前途尚非絕望，致兩年來暗殺漢奸之案，發生不下百餘起之多，而以殺曾仲鳴陳錄李國杰輩，最足以寒漢奸之膽！此應檢討者五。

(六) 兩年抗戰所得寶貴之教訓

敵軍知不能速戰速了，於是款速戰速和，在南京未撤兵前，曾托駐華德大使陶德曼提和議；上年十二月，又由敵相近衛提和議，均為我所堅拒，而我則鑒於兄弟鬩牆外禦其侮之訓，從此國共合作，李白諸將，服從中央，一心一德，因抗戰而反以促精神之團結，從物質上說，外貨入口者少，愛用國貨者日見其多。（例如兩年前上海華商紗廠三十一家，今僅存兩家，其餘有設法遷移

，為內地所極歡迎者。有謀消極抵制以待時機者，非盡關閉也。物價增高，人知節儉；米價飛漲，人知勤奮。（例如上海米價，一年前十二元一石，今漲至二十元以上。內地如藍田，兩年前六元一石，今漲至九元八角，於是工作不能不出於勤奮，以圖補救。）即以兵器補充言，除購自他國外，毀路之銅軌，盡充製槍之材料，戰法更以實地經驗而多所改進，拙以制巧，寡能敵衆，在器械不如人之我國，不得不化路為田，並借此以緩制急，使敵人機械化之兵器，無所施其技，又況我之政治活動，在游擊區照常進行，民德以困苦艱難而益進，生產問題，得以盡力開發，國民公約，人知遵守，精神動員，受訓者衆。此皆兩年來最寶貴之教訓，是可知教育百年不如大戰二年之為確論也。此應檢討者六。

(七)兩年來被佔點綫不難逐漸收復

水陸交通，戰時以運兵為重要，惟處置配備，一不得當，凡我之可以引為重要者，敵苟得之，進佔亦屬便利，檢查兩年中起初之半年，為抵抗最烈犧牲最大之時期，故戰線尚不甚長，如上海市之閘北，如河北省之南口，皆在此時期被佔，其徐州閉封九江武漢南昌等處，在兩年中最後之一年半放棄，為不得代價決不放棄之時期，抗戰前兩年，均在交通便利之點綫，故敵人佔據稍易，今後戰區，山岳地帶為多，敵人進兵自然較難，而我之反攻，比較獨易，就被佔之點綫言，截至現在止，被佔之點綫，雖有如下列七種，惟處處可以迎虛襲擊，崩潰之期，決在不遠：

1. 海洋交通點綫之被封鎖者，如天津烟台青島海州上海海門溫州文海福州廈門汕頭廣州北海等處。

2. 鐵道綫之全被佔據者，如北寧京滬滬杭膠濟南粵等處。

3. 鐵道綫之局部被佔據者，如隴海平綫平漢津浦正太粵漢同蒲京贛等處。

4. 公路之被佔據者，就江浙言，如滬錫公路京杭公路錫宜公路，以及其他各省各縣公路。

5. 長江點綫之被佔據者，如通州江陰鎮江南京蕪湖安慶九江漢口等處。

6. 湖岸點綫之被佔據者，如太湖之湖州蘇州常州等處，如巢湖之合肥等處，如鄱陽湖之湖口等處，如洞庭湖之岳陽等處。

7. 內河點綫之被佔據者，如江蘇省之無錫揚州清江浦，山東省之濟寧，浙江省之平湖，其數不勝枚舉，在游擊隊伍逐漸推進中，旋失即可復得，姑從略。

以上點綫，其長度何止萬里，以南京蘇州言，敵兵盤據城市，不敢出郊外，處：受我攻擊，其餘據點，亦復如是。西諺云：如手入蜜罐，如足入泥淖，不能擺脫，無法下台。孫子九地篇云：『聚三軍之衆，投之於險。』今日敵軍之謂也。以政府最近所宣布觀之，游擊反攻之成績，比前確有驚人之發展！此應檢討者七。檢討既畢，覺茲事體大，為國家生死存亡唯一之關鍵，個人見聞有限，山中苦無雜誌書報以資參攷，統計材料尤所缺乏，恐不能紀實於萬一。希

國內明達痛加糾正，可使得到較明確之根據，由意志集中，進而為力量集中，知己知彼，百戰百勝，庶幾持久抗戰，在最高當局統制之下，或不無小補云。

(叁) 吳其壚乎答案之檢討

心理學名詞，有所謂聯合表象者，往往以理解從前之文字，牽聯及於今茲之地域，或以已往之事實，聯想至於現在之象徵。因彼及此，先後闕聯，而於言文思想各方面，時々可以接觸而表現，其例不勝枚舉。余，吳縣人也，當然以吳事為最關心，試以前例表而出之：

二十八年七月十三日，讀史記越王勾踐世家，至于胥言曰，王不聽諫，後三年，吳其墟乎等句，不覺掩卷而歎，心為之忤忤然動，原夫二千四百餘年前之吳越相爭，越為浙江省紹興縣等處，今尚未為敵所據；吳為江蘇省吳縣等處，今已變為游擊區，說文墟字作大坵辭，然從土从虛，亦含有淪陷之意義，傷哉傷哉，按當時子胥之言，以為吳王不聽諫，三年後，吳恐將為敵所滅，都市不免卒而為墟墓，其意蓋如此。往史且不提，持借此問句，設

想我可愛之家鄉（吳縣）今則何如？就余在逃地之前，（二十七年七月）身所親歷，自所親睹，以及心所謂危者，姑作一吳其墟乎之答案，為旅外多年之邦人告。

(1) 蘇州火車站之西式房屋，被焚至僅有頽垣斷壁，敵人在原有噴水泉處，架木棚，為出入口，購票時，拒用法幣，驗票後，須以藥水澆身，站門外有若干賣日本香煙之小販，以軍用票供人兌換。

(2) 閶門外馬路，如福安茶居義昌福酒館新蘇台旅社一帶，向稱熱鬧市場，竟成一片焦土，三新東吳等旅館，則已變作日韓妓女之待合所，蘇錫汽車站原處，今改日人經營之大直公司汽車站，赴上海者，每人約六元，並須備照片及通行證。

(3) 金門口有敵兵把守，出入必行禮，坐車者必令下車步行，必

舉手請檢查，稍不如意，輒遭毆擊。

(4) 閩門外渡僧橋西，為蘇滬蘇錫蘇常往來之輪船碼頭，搭客擁擠，船價甚昂，到上海統艙，須三元至五元，懸德意日葡等國旗者多，船上並僱有浪人，以便對付檢查時之作用。

(5) 景德路之遂園及汪氏義莊等處，一度為宣撫班暨自治會所用，附近小飯館，多女子作招待，觀前街東西，均有銀行藥房，商店十餘家被燬，未燬者亦未甚願正式閉門，設攤賣買，均在當街兩邊，苟非舊貨，即屬仇貨，可痛也。

(6) 宮巷內東邊，有兩三家被燬，青龍橋西境，有兩家被燬，東白塔子巷，有三四家被燬，道前街善長巷，有二三十家被燬，非居家，即商店，目的何在，不可思議。

(7) 敵軍初至蘇州時，居民往來，必令以太陽旗纏臂上，表示願

作順民，其實於心皆所未願；但亦有極少數漢奸纏此以為榮耀者，恥孰甚焉。而余則始終對此不願有所表示，故不得不適而之他。

- (8) 火車站蓋有草屋營房，天賜莊東吳大學，三元坊蘇州中學高中部，均駐有敵軍。三處不下兩千人，而以東吳大學為最多。
- (9) 草橋蘇州中學初中部，所蓋房屋，大部分為余卅年前所經手量地，而由經同源水木作所承造者，今與王廢基公園圖書館，同燬於敵軍之硫磺彈。

- (10) 居鄉而稍有資產者，多匿居城內，四郊之游擊隊極活躍，北之蠡口，東北之官濱里，均有較劇烈之戰事，地方上明達自好之人，早已去而之他。申報載偽民政廳秘書姚某，最近為游擊隊所擊斃，人心為之一快。其餘漢奸，或可從此痛改前

非·游擊區政治活動，亦在進行中。

從以上種種事實之證明，知吳地之被蹂躪既如此，惟人心未死，雖童稚婦女，對敵均痛恨切齒。假使外有攻擊，內必起而響應，決不至永久淪為墟墓，還我湖山，未始無望。此余檢討後抱有樂觀之答案也。謂余不信，且觀將來。

七月十九日上午十一時藍田聞警報

長沙劫火早成灰 警報令聞常德來 相約且從林下避 松風拂面儘徘徊

秘書處塔前有鳳仙花四種

階前四種鳳仙花 紫色枝高白最差 一樣風光嬌弱態 大紅還比粉紅華

閱簽定備忘錄後作

腥風血雨戰雲橫 侵畧渾忘九國盟 黃種抗爭無止息 白人出賣

不平鳴 西報識英人承認日本封鎖天津為出賣白人 宣言廢約群推美 屈膝含糊獨媿

英 在遠東簽定之備忘錄見後 詭計外交終覆敗 惟憑自力可更生

附註曰英大使克萊琪與日本外相有田簽定之備忘錄『英政府完全承認大規模戰事刻在進行中之中國的實況並承認此種事態長此繼續存在時在華日軍有特殊之需要以自保其自己之安全與維持統制區域中之公共秩序並對於足以妨碍日軍或有利益敵人之任何行動或事件當予以制止或消除英政府對於任何行動之足以妨碍日軍達到上述目的者並無予以助成之意並將乘此機會明白告知在華之英國官憲及僑民應勿作此項行為及計劃以證實英國關於此事所抱之政策』

七月二十三日下午五時藍田來警報

有事至藍田 忽來空襲報 煙谿和芷江 敵殫又消耗 僻地無防
軍 盲目行凶暴 釁起難下場 尚復長驕傲 英人太軟弱 知否
是誨盜 使我久流亡 不無心傷悼 警士過於途 好言相指導
衣白自標顯 勸勿服素縞 幼稚不知趣 奔走猶喧譟 且避山林
去 累我老夫耄 登高依綠陰 緊趨樹下靠 荆棘欲刺衣 平時
無人到 下坡新泥滑 失足隨身倒 伏暑非重陽 風來未落帽
青衫染黃土 無異着地掃 旋聞放汽聲 解除遠遠告 歸來入西
園 飲食隨所好 忝入君子林 自信亦慥慥 姑盡酒半樽 聊當
自慰勞 珍重未來時 慎勿徒自懊

教育部孟恭事壽椿由桂飛滄寄來懷國師同人詩步原韵和之
山林雞得遇高軒 結識荆州翰墨緣 明察秋毫能見末

視察師院五日
調查甚詳

甘嘗井水亦投錢視察規程有謝絕供應語

七朝悶作桂林客未信言在桂林候杌七日 一霎

空聞蜀道仙桂林飛重慶幾十分鐘可到

飛過婁山關隘處 此身已入最高巔

大暑對景思家

可畏炎陽暑氣蒸 山齋揮扇撲飛蠅 苔萋字隱痕猶在園丁以青苔蠟抗戰等字

於樹蔭下經日 袖重枝垂力不勝庭前袖樹結實累致枝葉低垂勢將傾折 灌漑提壺疑作

民漸枯萎 輟灌漑未得其法 澗別經年白髮增自上年八月十九日離上海至今三百四十七日矣 思家何日

纔歸得 潤別經年白髮增自上年八月十九日離上海至今三百四十七日矣

八月一日十一時三十分聞警報

戰雲捲入濕雲中 振動銅鈴報襲空 日炙雨淋無片刻 沙場生活

苦甘同

八月三日袁公為教授與張筑音女士在藍田西園訂婚書此致賀

豔稱種玉記藍田 異地同心有夙緣 巧遇立秋前五日 欣逢大伏

第三天 良宵先飲西園酒 靈月來温北碕泉 君子好速從此始

華筵齊誦國風篇

平綏路之回憶

冀察晉綏聯四省 東西南北接長城由北平至包頭均自東南向西北行長城在冀之北都察之南部而

晉綏二省則以長城為界 始皇以後詹天佑 艱鉅五程蓋世驚總工程師詹天佑築平綏路五

程以南口至康莊故為最艱鉅

香菰味美說張垣張家口磨菰最著名 輸入都從大境門大境門在張家口下堡北 宣化葡

萄南口柿 鮮甜可愛款兼吞

大同習俗嗜烏煙 裹足風行不變遷 此去雲崗三十里 佛龕高下

數盈千石窟遍鐫佛像尚係北魏美術成績

日之夕矣牛羊下 我對陰山學寫生余在大車中對陰山寫生曾有鉛筆畫多幅今已燬

采藥試尋甘草地 色頭南望大河橫即河套

統一招生時即事（八月七日起十一日止）

統一招生教部章 藍田分處等分房 舊時鄉試有分房制 試場十二闕防密

國立師範第一院設第一至十一試場 第二院新蓋考棚為第十二試場 執士千餘往復忙 兩度傾盆容補考

八月七日及九日下午大雨傾盆為第十二試場洩漏 偶然落瓦莫驚皇

有瓦落天花板 點心牛肉堪吞嚼 餒首何為棄道旁

不合楚人口味有棄諸道旁者次日改給烘糕

呼朋引類互相招 絕少輕浮志氣驕 好玩童心如昔日 看書佛脚

抱當朝 每逢考某科以前即在場外看書 八門問答枯腸索 考國文騷

文地理 物理化學生物等科 一冊推崇熱血潮 考小川先生所著之血潮

真個埋頭能苦幹 終場繳卷最逍遙 終場繳卷不問考取與否覺得無

事身輕

題文君梅宗手冊

盈門桃李早濟榮

文任中學教
負有年

媿我交疏未識荆

藝術叛徒賢弟子

藝術叛徒為上海美術專門學校
校長劉海粟自稱別統

寡言守默久聞名

十七日赴三甲途次作

三甲盤田十里遙

筍輿南上趁晴朝

泉聲流轉迴瀾閣

迴瀾閣亦稱
文昌閣

塔影凌空接福橋

橋名接福橋石
涵洞甚固

稻熟差堪遊自望

一望之間
稻田豐足

紙方待賣

數肩挑

民間製紙為業肩挑互
三甲待賣者甚多

行經曲々灣々路

在山谷間行曲々灣々一條
石路風景甚佳

可愛山林足避囂

十里間見門榜某園某園
名者有五六處

去年八月十九日以後之回憶

去年今日滬江濱

结伴航行欲避秦

同事中廖院長諸君達胡海軒
薛志陶先生等四人同行

羅馬樓船容嘯傲

遊意大利郵
船甚暢

重洋聊寄苦吟身

三朝香港度良宵

同榻廬君伴寂寥

兩如早廬君同榻係
大夏大學畢業生

上溯西江

風景好 蔗田兩岸種芭蕉

西園避雨

大雨傾盆復打雷，西園孤客獨徘徊。
當街積水先盈尺，種玉廳前滾滾來。

八月二十日上午躲警報

方入書坊寄木箱，忽聞警報走高岡。
松林密處姑安息，本日適為星期日赴藍田

市縣衣箱 生路歸來傍野塘

相傳偵察入湘潭，離藍田二百餘里 九架飛機試俯探。
遙想市區轟炸慘

無辜殃及更何堪

希特勒向波蘭索還但澤自由市日亟

戰後波蘭有索求，走廊用意在通舟。
但澤本為德國地歐戰以後波蘭請求作為通航海口 未

忘二十年前事，歐戰至今剛二十年 但澤於今不自由。
德國備戰日亟以索回但澤相要挾

意大利威侶直布羅陀應隸還西班牙說

強國欺人等割雞 地中海口築新隱 直布羅陀本屬西班牙一七零四年為英國所佔據 未

忘二百年事 最近西班牙首領赴意大利即為此事 直布羅陀本屬西

聞蘇德訂互不侵犯約而作

歐風亞雨迫來今 蘇德同盟互不侵 怪絕旁觀英法日 何為咄咄

逼人深

藍田至湘鄉由楊家灘富田橋太平寺十字坡永豐盧塘去二百四

十里八月二十四五六日行兩日有半途次成七律六首

假期無事一身輕 訪友求書有此行 與壽亭前聯語好 有「解渴露同甘」山間自有

清涼散。侍留雲不住。天下無非安樂窩」句 培元橋下石泉清 牛當大道人多讓 鴨

滿方塘魚不生 聽到猿家磨粉響 幾回誤作敵機聲

湘黔路鑿費多金 拆毀為防戰禍臨 松徑人過備覺爽 槐陰蟬唱

覓知音 稻長梗倒田中卧 棉結鈴垂屋畔尋 遠望青山青不斷

清涼一味透叢林

楊家灘下莫遲徊 茅店今宵第一回 玉露金風吹破曉 青天白日

走輕雷 勞瘁石臼菴新穀 副業山林積舊煤 可笑名心終未死

柴門猶見榜經魁

終日雷聲起遠空 有如轟炸響隆隆 天心漸見行雲黑 地角全遮

夕照紅 不久果然來大雨 端為解熱送涼風 肩輿未下猶前進

燈影昏黃到永豐

草々勞人去後回 行軍慢步各銜枚 永豐間過兵西行者 雙雄並據分

蹲坐 兩小無猜盡挽推 人力車多坐兩人且有童 子兩人作推挽者 有女同車何足異

如牛上駕實堪哀 連江清淺流偏急 利用帆船亦快哉

油桐楊柳護康莊 南岳峯尖指一方 竹密欣看遶勃象 松多走道

特殊香 傾斜地勢泉流快 領略山光谷道長 人坐汽車飛似去

雙輪我亦赴湘齊

湘陰兩宿雜詠

款購新書有缺嫌非殘缺不全即價比從前加倍半

洛陽紙貴未能廉洋紙以外淮潞而貴運輸又不便利

商家門戶半開閉 晴午防空禁令嚴

節屆中元俗例同 紙錢冥器各求五 愚親一掬傷心淚 窓外萱花

別樣紅菰舍窓外有萱花

記孔今朝享大宰 國旗偏掛市周遭 鎮湘樓傍清澗水 門對青山

塔影高湘鄉城市南有塔

屢候汽車夕不至 徘徊古刹且盤桓 雲門寺裏觀音閣 三丈金身

恰大觀

公園地窄遠山青 得月樓前款步停在茅亭內略遠午點 懷石自沉彭烈士

未忘五七記碑亭

聽來枕市語輕裘 避難文民有素裘 同是程兮當愛惜 不妨經過
語從頭

湘鄉至谷水八十里肩輿行一日途次作三首

曉發龍城上客途 古獅江岸傍山隅 日中潭市爭相集 所有批來

易所無 值中元節山民肩杉條 未易魚肉而去

渾如蜀道滿塵埃 幽谷深山泥作堆 湘黔路折毀 踏基處 十里石前餐未罷

女生同詔語從來 有女生十餘人赴周南 女校去款問詔

青山紅土野溪橋 瀑布潺潺俗慮消 八十里程行一日 重來谷水

度今宵 是晚附中元節前一宵

谷水至藍田一百二十里肩輿行一日途次作詩三首

月朔得戎向西行 四野惟聞蟋蟀聲 亦有田家忙不了 篝燈打稻

好收成 今年湖南省 高低太熟

中央圖書館
圖書室

湖南詩集

廿里行經烏鵲崙 東方既白露朝暾 天然飯店晨餐罷 在半邊街

渡口還聽急浪奔 離半邊街兩里頭過渡

擠兌風潮十載前 從今法幣信心堅 敵機荒謬傳單下 往事如何

強挽牽 經明鏡井飯店午餐有婦人接其夫自沅陵寄來赤信附敵人紅色濟軍說我國近有擠兌風潮真荒謬

戲題蠅與蟻兩首

輕拍蒼蠅投地上 誘來黃蟻集階前 重圍倖虜差相似 細察何時

奏凱旋

蛇頭負得創痕深 奮起空中免就擒 一蟻偶然騎背上 飛機失足

要當心

八月三十日敵倒閣聲中聞警報

乍過中元節 秋高有薄雲 敵機隨處擾 警報此間聞 侵略何生

趣 摧殘放毒氣 電傳先倒閣 敵平沼內閣聞已倒閣 只是亂紛紛

但澤自由市為凡爾賽和約所產生歸國際聯盟管理讓波蘭管其
稅關不啻波蘭之海口也地方七百五十四方里人口四十萬百
分之九十七屬德九月一日宣布仍歸德國所有
但澤今懸卍字旗 波蘭是否決雄雌 戰爭權利操英相 一髮千鈞
在此時

國師暑期體育會公開游泳比賽

水上公開運動場

光明山下破天荒

秋高氣爽分三組

分男子女子
童子三組

游泳人多列數行

李氏兒童惠悌勝

譚家姊妹靜嫻良

顯儔成績

冠儔輩

能力還憑體力強

男子組陳顯儔第一。兒童組李忠悌第一。
女子組譚靜嫻第一。

德軍已入波蘭國境

俄與古國號波蘭

協助惟憑反德團

立約幾回求保證

英法保證德
如沒佔波蘭

英法出而
相助

分兵三路已摧殘

德已分兵
三路侵波

華沙傳說遭轟炸

華沙為波
蘭京城

世界

紛紛感不安 英法動負先後起 會者變化挽狂瀾

書三十重要據點移轉陣地日期表後

抗戰兩年餘 閉端自七七 我念蘆溝橋 永定河洋溢 侵畧無止

境 可恨惟暴日 誓食倭奴肉 一見張自叱 移轉新陣地 何妨

抵掌述 軍事最高權 指揮聽統帥 誘之漸深入 善用孫吳術

列表殊顯明 史家董狐筆 三十重要點 閱之足驚悚 陷陣既突

圍 雨沐又風櫛 兵士浴血戰 肉搏能事畢 南口復大場 身手

顯體質 武漢即放棄 逸守有紀律 岳陽陣轉移 敵人更淫佚

游擊經一載 困乏見情實 據守城市間 未敢遠郊出 被佔南昌

後 內情亦不一 反正時有聞 倭虜經窮詰 持久尚須戰 慎勿

圖安逸 軍事當第一 務使敵屈膝 德國既動兵 佈置極嚴密

英法助波蘭 莫謂事輕率 經濟總聯係 豈止關得失 國民守公

約 勝利定可必

附三十重要據點移轉陣地日期表

民國二十六年七月二十八日

天津市 北平市

八月二十八日

張家口

八月三十日

南口

九月八日

寶山

九月十三日

大同

九月二十四日

保定

十月十一日

石家莊

十月十五日

綏遠

十月二十六日

大場(上海市)

十一月十日

太原

十一月十三日

松江

十一月二十一日

蘇州

十一月二十六日

湖州

十一月二十九日

宜興

十二月十三日

南京市

十二月二十五日

杭州

十二月二十六日

濟南

二十七年一月十日

青島市

二月二日

蚌埠

五月十八日

徐州

六月六日

開封

六月十三日

安慶

六月二十八日

馬當山

七月二十七日

九江

九月十九日

武穴

十月二十一日

廣州市

十月二十五日

武漢

十一月九日

岳陽

二十八年三月二十四日

南昌

贈許民一君九首

寶善街前三雅園

上海五馬路
崑腔戲園

聽歌初次叙寒暄

君父幼莊公為
先嚴義兄弟

未忘五

十年前事

未有根苗水有源

至老難忘少小時

淡交如水久相知

蔡貞坊巷同門學

君從先嚴讀
書在蘇州

偏效先人換帖兒

國難詩稿

五四

華新詔石印務館代印

學吏胥臺廢半途 風流瀟灑效時趨 君翻之年少濁世佳公子也 宋仙洲巷紅樓

夢 韻事流傳記得無

一樹梅花悲早謝 林泉頤養亦無緣 同學胡梅生徐頤泉先後去世

人生命運非

前定 學得勤勞自適然

壯年有志走天南 蠻島荒洲試細探 開化僑胞功不小 君赴南洋爪哇婆羅洲等

兼辦中小學有成績 幾篇鴻著幾時刊

君到真如在暨南 黃金時代慰加餐 君在暨南大學任職有年 當年視學巡蘇省

我正周流感不安

我為鐵部科負日 君在中江執教鞭 尚潔廬中相見後 我在上海每喜至四馬路尚潔

浴廬洗 酒樓消遣共留連

非常國難勢滔天 若謫還教百慮煎 假我川資香港走 如魚得水

記前年

久病原知伴藥鑪 客中我亦是窮途 九章詩句遙相寄 能博君家

一笑無

詠懷兩首

獨來獨往水雲鄉 閒眺秋山恰似妝 喜讀樂天詩幾卷 向藍田成化書局購白樂天集

一隅草堂 版本 時觀抗日報三張 定都陽中央日報長沙國民日報 錫鑛山鑛山日報等三種 居常着意培

蘭桂 兒子希望學國醫在蘇州內子徐秀 頗有妻媳花孫之意 刻不忘情念梓桑 略有薄產均在瀋陽區

松下谿邊尋石坐 白頭身世感蒼茫

一年容易又秋風 半作癡顛半作聾 早起瞻天行野外 晚來對月

卧房中 粗茶淡飯生平慣 肥蟹鮮蝦想望空 陽澄湖蟹天津海蝦 不食已屆三年矣 憂

國歎求安定日 問題聯及亞歐東 日本侵華反英德國攻波 聯蘇大戰世無已時

藍田生計

丙楚今逢大熟年 農民生計說藍田 辣椒菜蔬交輪種 農園收辣椒後多改種菜

蔬

煤餅泥執換市錢

裏人到業有以煤屑和土作餅當燃料亦有以木匣盛泥土籠為泥執當建築材料者

杉木一根銀數角

山民摘杉木約兩大多長詢以價值均以七八角對

米糧百石幣千圓

最好米糧值十

石圓一

小豬四隻售花信

途遇驅小豬入市出賣者問其四隻價值則以二十四元對

攘々熙々食

用全

荆門賣粥貧婆之慷慨語

見中央日報

自古迎師箔食多

荆門今見一貧婆

你們打仗真辛苦

吃粥無錢

算什麼

湖南大熟

處處田家日夜忙

收成積穀萬千倉

高低大熟殊堪慶

賤穀傷農

要慎防

軍食攸關利戰爭

家家打稻趁秋晴

洞庭湖畔售新穀

價比淞濱

低四成

上海穀價十元 湖南兩三元

第八次九一八紀念

抗戰於今兩載餘 禍流回溯九一八 辛未服務教育部 公餘曾記
有筆札 正當十九星期晨 我游清涼山古剎 閱報忽驚瀋陽變
清河公子不嗜殺 沉迷北平鼓舞場 擁抱明星猶脂膏 東北四省
先後失 敵人用心何狡猾 仗義當時仰國聯 調查塘塞大油滑
馬家勇敢起抵抗 力薄禍延及綏察 利用漢奸計狠毒 為淵毆魚
似海獺 十九路軍動淞滬 一八戰腥風刮 蘆溝橋戰流血多
團結志堅不可拔 點綫被佔軍家事 陣地轉移游擊點 愈戰愈強
足證明 奇耻大辱待洗刷 自力更生視大軍 斃敵請視我刀鍬

今後之精神訓練

抗戰須知耐苦辛 動負自易見精神 實行振作新生活 公約同遵
舊國民 白首從軍尊老子 吾吳張一麐先生 有老子軍之授偈 青丰守則重羣倫 縱

然勝利還期後 全視當前不帝秦

代友人祝譚公六十生辰

教育功深細琢磨 端方操守性謙和 文章露布軍前著 議論風生

席上多曾任省花甲進尊欣笑納 茶衣舞綵共歡呼 航空艷羨三郎

學第三郎君由意國學飛機師歸國現任本國飛機師抗戰同聽奏凱歌

及時強仕學而優 祝壽歡迎列邑侯曾任江西省九江東鄉等縣湖南省城步瀏陽安化等縣縣長

新屋雲蒸新氣象 舊家風範舊名流 八千自古春秋富 六十於今

歲月周 投筆諸兒從志願長次二郎亦在軍界任事 盈門桃李喜花稠

苦秋熱

對竹遙看映隙曛 久晴無雨盼風雲 繞入頭面無休息 白日蒼蠅

黑夜蟲

國難詩稿第五卷

讀白香山詩集後

九月二十一日

唐詩專號白香山

長慶閒吟見一斑

後集者完者別集

補遺猶待

補遺間

麟盤田舊書肆一隅草堂藏板白香山詩集字體五整內有長慶集後集別集白集補遺部別閱至白集補遺最後六葉如喜晴聯

句會昌春連宴即事始知舊紙脫略即借圖書館四部叢刊萬有文庫國學基本叢書內白香山集相校對豈知並別集補遺而無之殊怪也

潯陽初謫官司馬

紙閣蘆簾意淡然

遠到忠州為刺史

種花栽樹

引山泉

蘇州本是舊家鄉

我愛西湖勝梓桑

伊洛龍門游數度

樂天詩境

此中忙

香山九老會龍門

在洛陽南三十里

序齒還推元稹尊

一百又加三十六

白

公最幼似曾孫

九老共八百二十四歲第一洛中遺老李元真年一百三十六第

第四衛尉卿致仕馮翊吉故年八十八第五前磁州刺史廣平劉真年八十七第六前右龍武軍長史榮陽鄭據年八十五第七前侍御史內供奉范陽盧真年八十三第八前永州刺史清河張潭年七十七第九刑部尚書致仕太原白居易年七十四

慰許君民一寄上海 九月二十二日

忽接魚書廿一行 遠和久病欠安康 小樓儘我閒時息 大地由他

盡日忙 詩卷常吟方是福 藥鑪偶伴也何妨 賢昆猶子知恭順

富貴浮雲淡若忘 許君不就偽組織事可敬

魚糧 九月廿三日

谿邊樹落小村莊 秋水潺々側徑傍 有客慈悲如放賑 麴色分潤

作魚糧

九月二十三日警報

籃球比賽早公開 難得今逢第二回 放汽忽聽傳警報 會負多到水邊來

卸裝游泳十餘人 疏散無非暫避秦 偵察款施轟炸毒 不知何處

苦吾民

話朝始悉敵人蹤 十七飛機殺氣衝 東北湘陰轟炸後 辰谿煙幕

又重重

二十四日警報

賽球乍告三場畢 開飯猶差一刻時 警報聲之傳耳鼓 出門疏散

款何之

散步深林被折回 池邊小立又徘徊 腹飢擬向餐堂進 軍號隨風

帶雨來

十八敵機常德去 西來九架到沅陵 洞庭湖岸時相擾 陣雨紛飛

未肯停

秋霖 九月二十六日

四郊稻穀盡登場 豐稔農家早入倉
連夜不停秋雨足 田間滋潤
得瓊漿

紛紛戰事亂如麻 莫道中秋賞月華
料是老天懲暴日 飛機難敵

水雲遮 既雨還期晴亦佳 田家農事好安排
菜花麥子隨時種 抽得餘閒

去拾柴 石壩停開灌水車 泥甑浸濕化泥沙
計工達屋天晴好 風雨連綿

起怨嗟 天氣陰涼稍覺寒 添衣又是擁吟案
明朝客裏中秋節 我望雲開

有月者

中秋雜詠 九月二十七日

佛說人生色即空 中秋四載不相同
情遠境過還堪憶 總是年年

西徼東

丙子中秋在白門

弟兄妻子語黃昏

將家月餅嘗新味

南京太平路蔣復與月餅味道

最佳

共賞鑾園三益村

時在鐵道部官舍東面三益村

馬龍車水下闌來

利涉橋前去復回

利涉橋在南京夫子廟前

官舍花園閒散步

光明皎潔月華開

丁丑中秋寓蔣墩

太湖北面一山村

青年同志相邀集

新學商量

借佛門時在姚社尼菴內上課

月餅誰家算老牌

稻香村在觀前街

里程七十堪稱遠

香山到蘇州七十里路

購得歸來踏破鞋

糖味不如鹽味好

各方月餅早親嘗

老妻自製中秋品

煎得脂油

韭菜香

前歲中秋次戊寅

川江重慶寄孤身

敵機月夜猶相襲

急下高樓

避到晨 時在巴蜀
中學內

早晨細雨轉斜風 明月深宵照碧空 乙卯中秋新戰地 湘陰白水

洞庭東 時在湖南藍田開泊羅江西營田
敵傷亡甚重

隨喜隨緣是上乘 每逢佳節興方增 中秋香斗行江浙 勝似藍田

八角燈

二十八日上午警報聲中觀國師擴充新院址地點 用八聲十三韻

藍田警報至 暴敵相煎逼 纏擾無已時 其心何殘賊 疏散向外

行 山徑且登陟 步至金盆園 大門充庖溢 膳廳猶未建 職負

屋舊式 方在整理中 窗戶略修飾 四圍多松杉 秋蟲鳴唧唧

後建寄宿舍 學生所棲息 是為最高巔 足以望山色 屋上蓋樹

皮 樸素為儉德 工作未告竣 高下東西翼 左首新教室 三排

在其側 面東受生氣 環境殊靜默 理化實驗所 並列待絕墨

再下雨操場 還未除荆棘 尋路至山麓 風景幽雅極 新聞場一
片 可稱清曠域 足容三千人 賽球幾組織 一俟告落成 幽妙
更莫測 委負計劃周 費神又努力 本期開學後 名士多於鯽
如此修學地 無負好培植 南行歸李園 軍蹶聲得得 費時兩刻
餘 相忍而為國

二十九日上午聞警報並得戰事消息

聞鈴疏散不宜遲 步入山間作小詩 松下偶憇何所事 中央日報
閱移時

血戰湘東白水街 我軍前赴願捐骸 猛衝後繼堪稱勇 敵氣同仇

與子偕

敵軍南至四師圍 猛犯湘陰感不安 孤注原來思一擲 長沙決勝

靜中看

波蘭戰事潮經過 失守華沙十日多 秋色剖分三與一 德蘇真意究如何

體育會十月一日球賽錦標為妙高峯中學所得

男兒身手各爭鋒 勝負相差幾秒鐘 此次錦標誰得到 妙高峯據最高峰

十月一日午後藍田遇警報

頭髮剛全雜 髭鬚尚未修 忽傳鳴警報 疾走汗交流 店戶排門閉 山林遠處投 解除消息至 又是杞人憂

四日午刻來警報

傳來警報午餐時 樹蔭栖遑借一枝 方與羣兒談楚語 解除軍統 遠風吹

五日上午藍田空中過敵機

隆隆聲息響如雷 東北西南去後回 六架敵機何處至 湘陰寶慶

費疑猜 似從湘陰來到寶慶去一刻鐘後 從西南回飛向東北方面去

五日午後又來警報

午後傳來警急鈴 敵人又放鐵蜻蜓 西行且向山村去 放汽催歸

側耳聽 在六畝塘聞解除 警報

松花江畔蘇軍炮擊日偽兵船

東亞鄰封互擦摩 來今已往溯如何 長春以北思前鑒 庫頁之南

恨息戈 此指日俄戰 事機言 張鼓峰頭先協定 諾門坎口又調和 此指蘇德訂互 不侵犯條約前

言 松花江畔新開釁 衝突交兵日益多

克復平江湘陰誌喜

湘北連儔殺敵聲 長沙保衛勝長城 龍門廠至橋頭站 四百里間

掃蕩清

九日敵機第三次過藍田

會戰平湘乍脫圍

敵軍四師圍猛攻長沙經我軍擊斃三萬餘人
主力喪失殘敵竄存江湘陰以犯

又來二十七飛

機先換見二十
七禁

明明慘敗成孤注 分起南行一起歸

疑是敵機飛竄慶 聲傳空谷趁東風 午餐未進松間避 三小時間

路不通十一時半至二時半止
藍田不准行人通過

雙十節聞警報

已午初交警報來 井然有序入山隈 解除消息何其快 國慶聲中

笑語陪中午約民校編課本同人暨慰勞將士
募捐隊同人在西園午飯

國慶日藍田軍政商學各界祝捷游行

國慶良辰足紀勳 藍田祝捷盡欣欣 商團衛士開先路 師範羣英

作殿軍 警備多方防暴日 歡聲餘響過行雲 萬人空巷張燈火

矢志疆場掃毒氛

先總理倫敦蒙難紀念日敵機二十七架第四次過藍田

蒙難倫敦日 飛機擾不休 迂迴求破敵 深刻認同仇 空襲能疏
散 虛驚豈足憂 須知消耗戰 持久是嘉謀

十四日巳午間警報

三小時間未解嚴 腹飢豈止食無鹽 茶田不覺閒談久 松澗空教
畧刻淹 料是敵方圖擾亂 散開緩步亦何嫌 竹林穿過池塘畔
軍號催歸遠更尖

十五午前後有警報

民校題名信手書 忽來警報午牌初 溪邊樹影容疏散 清澈能觀
水底魚 一朝兩度來空襲 傳說衡山去又還 不見敵機聲自遠 同胞痛癢
總相關

十六午前有警報用十六諫韻

警報疊禱來 防空成習慣 疏散入山間 仰天容顧盼 何處敵機

聲 亦少雲中雁 工作觀農田 葵蕨葉破綻 水煎苦樹根 灑之

除蟲患 軍號喚人歸 移步過松澗

十七午前放警號兩次用十七篠韻

聞警緣溪行 不辭田岸遠 清泉響潺々 柔脆聽鳴鳥 並坐有粵

人 興寧一年少 為言由黔來 附驥幸揭曉 二院宿舍入 向學

又介紹 溧陽走辰谿 忍苦避敵擾 歷叙蘇游擊 威稱強哉矯

兩次警報至 西向林間繞 步歸探消息 軍號隨風弱

寺園芙蓉花

芙蓉麗色透窗紗 一樹連枝紅白花 菊種二喬同雅媚

兩色花者 開來我愛艷如霞 菊花種類極多凡一株開名二喬

國師第二年發表新生之後 十月二十二日作二十二韻周二十二養韵

國師新題名 李園列長榜 科舉比秋闈 發表亦相仿 道遠消息
遲 望眼每神往 入選喜展眉 其情可想像 失望便垂頭 懊悔
心快々 連朝天無雲 秋九何晴朗 所恨警報多 中心若悵惘
重陽忽風雨 似布防空網 霧濃氣壓低 敵機枉夢想 有朋遠方
來 歸興盡吾黨 見面道經過 氣宇露英爽 院長滄上回 車塵
勞袂掌 名師應聘至 學子趨瞻仰 博士或碩士 中外咸尊獎
著作各等身 研究徵素養 師生數五百 集思見聞廣 新建教室
十 院所擴為兩 三舍據最高 樹皮蓋軒廠 分系競潛修 請益
求函丈 篤行在精勤 應無自欺罔 山林大自然 課外儘欣賞
努力為國家 氏族是至上

十月二十四日正午有警報

冷雨連宵霧氣濃 今朝晴朗豁心胸
幾聲汽笛倚空襲 散步歸來
飯後鐘

十月三十一日下午五時來警報

歎赴西園路不平 夕陽影裏受虛驚
敵機倚說來常德 偵察回旋
向北行

五字謎 兩句一字謎底補習班週會

破爛棉衣不禦風 細針密縷快加工
天寒手凍尋常事 寫字依然
用苦功 從頭課業更番作 七日周流有始終
獨學寡聞嫌孤陋
師生相見樂融融

十一月三日敵機第五次過藍田自東南來向西北去

聽得鳴金避野田 師院聞警改鳴鑼為號
此係第一次 過橋草地暫流連
機聲軋軋

飛西北 雲影霞光共一天

五日來警報兩次

岳陽游擊戰方酣 屢向晴空作俯探 九架敵機飛寶慶 有人眼見
過東南

七日上午兩次警報來時之行動

警報頻頻至 天晴寇盜深 水邊曾久立 山下又重臨 散步依樟
樹 歸來避竹林 閒看牛食草 奚足動驚心

吳君担任師院工警補習班義務教師以新詩兩首充國語教材要
求油印讀之頗有意義惟語氣尚當斟酌以充課本似不能再
加審慎爰不揣冒昧第一首代增加刪改共八十八字第二首代
增加刪改共一百四十六字不敢謂為已臻完善但比諸原文意
義似較充足錄之以實我國難詩稿第五卷之後

第一首題——做

做！做！做！不會做，要學做。會得做，立刻做。做不熟，常去做。做不好，改良做。想着做，就去做。應當做，就去做。不要胡亂的做，應該謹慎的做。有經驗的熱心領導着做，無經驗的細心學好樣做。人類正當的事就該做，而且要繼續不斷的做。

窮的固然要做，富的也應該做。農工商人當然做，軍政學界也要做。不要因怕困難而不做，不要因無幫助而不做。人人做，大家做。一點不萎靡，一點不懶惰。由繁難做到容易，由危險做到穩妥。愈做愈有精神，愈做愈有進步。愈做愈有好處，愈做愈有結果。做！做！做！快快做！

第二首題——敵機轟炸後的南京

震耳欲聾的，過去有天崩地塌的聲音。
觸鼻難聞的，目前有血肉模糊的奇臭。

有可憐發瘋似的孩子，不住的滿街亂走！

我的爸爸呢？我的媽媽呢？

方纔在一起，為什麼害得我找了許久？

經夫子廟前，進太平路口。

北逸鷄鳴寺，快到三牌樓。

只見那來來往往，雜有多少吃人不顧的野狗。

死尸堆裏，瓦礫左右，傷心呀！痛心呀！

這難道是我爸爸的頭？這好像是我媽媽的手？

天像是要發昏，地像是要發抖。

這一班可憐發瘋似的孩子，

哭泣着！有誰來相救？

奔跑着！向那裏去走？

他們想着繁華的南京，他們想着可愛的家庭，
好端端的，被那個弄到這般地步？

那就是我四萬之同胞不共戴天的大大寇讎！

十一月十日警報聲中看楓葉

陰雲籠罩半空烟 秋後冬初作冷天 又是鳴金傳警報 山中疏散

好回旋

聯翩散步各西東 遊覽山間景不同 深紫初紅蒼翠色 丹青難畫

一林楓

國難詩稿終

第三表

七前頁九行「桂」改「貴」	二前頁九行去▲號
八前頁三行「買」改「賣」	二一後頁一行去▲號

066424



勘誤表

頁數	二	六	六	十六	十九	二十六	五十
上或下	下	下	下	上	上	上	下
第幾行	五	六	四	一	八	七	七
勘誤	刪「屋價」二字	「衰者」應改「衰者」	「爰」應改「爰」	「歛盡」應改「斫盡」	「全盤」應改「前盤」	「天字」應改「天字」	
頁數	五	八	十六	二	三	四	五
上或下	上	下	下	下	下	上	上
第幾行	三	十二	二	五	九	一	一
勘誤	「當年」應改「當前」	「鄭州」應改「柳州」	「萬萬」應改「萬千直」	「詩」應改「書」	「尾函」應改「少息」	「輕表」應改「輕柔」	

72
004023



五印張紙冊每稿詩本
正分五角三幣圖本成

